


逸周書

六之十  
校正補遺  
治録


坤



			漢書門
		二	
		二	
		三	
二	六	七	〇
冊	架	函	號類

內閣文庫			
二	二	漢	
五	二	書	
函	一		
七	二	〇	
架	冊	號	類

內閣文庫			
番號	漢	2210	
冊數	2 ( 2 )		
函號	285	71	



逸周書卷第六

晉孔晁注

周月解第五十一

時訓解第五十二

月令解第五十三

諡法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于

黃泉陰降慘于萬物

舊脫降字据通鑑前編補

是月斗柄建子始

昏北指陽氣虧草木萌

前編作不萌蕩

日月俱起于牽牛



之初右回而行月周天進一次而與日合宿

進舊作起從沈

改日行月一次而周天歷舍于十有二辰終則復始

是謂日月權輿周正歲首

舊作道沈改

數起于時一而成

于十次一為首其義則然凡四時成歲有春夏秋冬

各有孟仲季以名十有二月中氣以著時應春三月

中氣

御覽所引春三下無月字下夏秋冬並同

驚蟄春分清明

舊作雨水春分穀雨

非古法也說見下篇

夏三月中氣小滿夏至大暑秋三月中氣

處暑秋分霜降冬三月中氣小雪冬至大寒閏無中

氣斗指兩辰之間萬物春生夏長秋收冬藏天地之

正四時之極不易之道夏數得天百王所同其在商

湯用師于夏除民之災順天革命改正朔變服殊號

一文一質示不相沿以建丑之月為正易民之視

亦本

作若天時大變亦一代之事亦越我周王致伐于商

改正異械以垂三統至於敬授民時巡狩祭享猶自

夏焉

前編祭作蒸

是謂周月以紀于政

時訓解第五十二

立春之日東風解凍又五日蟄蟲始振又五日魚上

冰風不解凍號令不行蟄蟲不振陰奸陽魚不上冰

甲冑私藏驚蟄之日獺祭魚又五日鴻雁來又五日

草木萌動獺不祭魚國多盜賊鴻雁不來遠人不服

草木不萌動果蔬不熟雨水之日桃始華又五日倉

庚鳴又五日鷹化為鳩桃不始華是謂陽否倉庚不

鳴臣不口主鷹不化鳩寇戎數起古雨水在驚蟄後前漢未始易之後

人遂以習見妄改古書此舊本亦以雨水在前驚蟄

在後非也今從沈正之下穀雨清明亦然御覽作桃

始不華是謂否塞又云倉庫春分之日乎鳥至又五

日雷乃發聲又五日始電乎鳥不至婦人不娠雷不

發聲諸侯失民不始電君無威震娠字舊闕從御覽補失字亦舊闕從

後漢書補御覽又作電若不穀雨之日桐始華又五

日田鼠化為鴽又五日虹始見桐不華歲有大寒田

鼠不化鴽國多貪殘虹不見婦人苞亂御覽作清明亂色

之日萍始生又五日鳴鳩拂其羽又五日戴勝降于

桑萍不生陰氣憤盈鳴鳩不拂其羽國不治兵戴勝

不降于桑政教不中御覽作平立夏之日螻蟈鳴又五日

蚯蚓出又五日王瓜生螻蟈不鳴水潦淫漫蚯蚓不

出變奪后王瓜不生困於百姓變奪后御覽作臣奪后命又困作害小

滿之日苦菜秀又五日靡草死又五日小暑至苦菜

不秀賢人潛伏靡草不死國縱盜賊小暑不至是謂

陰歷御覽賢作仁不死作未死縱作從歷作匿芒種之日螳螂生又五日

鷓始鳴又五日反舌無聲螳螂不生是謂陰息鷓不

始鳴令姦壅偏反舌有聲佞人在側夏至之日鹿角

解又五日蜩始鳴又五日半夏生鹿角不解兵革不  
 息蝮不鳴貴臣放逸半夏不生民多厲疾小暑之日  
 溫風至又五日蟋蟀居辟又五日鷹乃學習溫風不  
 至國無寬教蟋蟀不居辟急迫之暴鷹不學習不備  
 戎盜御覽作溫風不至即時無緩蟋蟀不居大暑之  
 日腐草化為螢又五日土潤溽暑又五日大雨時行  
 腐草不化為螢穀實鮮落土潤不溽暑物不應罰大  
 雨不時行國無恩澤御覽作土潤不溽暑即急應之  
句皆有立秋之日涼風至又五日白露降又五日寒  
 蟬鳴涼風不至國無嚴政白露不降民多邪病寒蟬

不鳴人皆力爭

國字舊本無從御覽增又邪作疾處

暑之日鷹乃祭鳥又五日天地始肅又五日禾乃登

鷹不祭鳥師旅無功天地不肅君臣乃口農不登穀

暖氣為災

御覽作凶

白露之日鴻雁來又五日兮鳥歸又

五日羣鳥養羞鴻雁不來遠人背畔兮鳥不歸室家

離散羣鳥不養羞下臣驕慢

御覽背

秋分之日雷始

收聲又五日蟄蟲培戶又五日水始涸雷不始收聲

諸侯淫佚蟄蟲不培戶民靡有賴水不始涸甲蟲為

害

御覽培作閉下同又佚作汰或洪字之訛民字舊

收聲即人民不安又云諸侯驕逸蟄蟲坏戶不坏戶

不冰實也引作星始冰

疾病又云介蟲為害惠云此當是古本寒露之日鴻鴈來賓又五日爵  
入大水化為蛤又五日菊有黃華鴻鴈不來小民不  
服爵不入大水失時之極菊無黃華土不稼穡霜降  
之日豺乃祭獸又五日草木黃落又五日蟄蟲咸俯  
豺不祭獸爪牙不長草木不黃落是為愆陽蟄蟲不  
咸俯民多流亡御覽俯竝作附立冬之日水始冰又五日地  
始凍又五日雉入大水為蜃水不冰是謂陰負地不  
始凍咎徵之咎雉不入大水國多淫婦謂舊作伏從御覽改又載一段云立冬十月節水始冰若不冰即陰之有負地始凍若不凍即災咎之徵野雞化為蜃若不為蜃即時多姪婦文昭案此惠氏所疑為古本小雪之日虹  
者也然避民字雉字當出唐人所更定

藏不見又五日天氣上騰地氣下降又五日閉塞而  
成冬虹不藏婦不專一天氣不上騰地氣不下降君  
臣相嫉不閉塞而成冬母后淫佚大雪之日鳴鳥不  
鳴又五日虎始交又五日荔挺生鳴鳥猶鳴國有訛  
言虎不始交將帥不和荔挺不生卿士專權鳴鳥或作鴉鴉禮記坊記作盍旦夜鳴求旦之鳥也御覽鳴作鴉亦可通本或作鴉或作鴉皆誤猶鳴六字及將帥四字舊闕今從御覽補又荔挺不生御覽作不出惠云康成以荔挺連讀顏之推譏之不知周書已如是冬至之日蚯蚓結又五日麋角解又五日水泉動  
蚯蚓不結君政不行麋角不解兵甲不藏水泉不動  
陰不承陽小寒之日鴈北向又五日鵲始巢又五日

逸周書

卷六

五

抱經堂校定本

雉始鳴鴈不北向民不懷主鵲不始巢國不寧雉不

始雉國大水御覽載小寒十二月節鴈北鄉鴈不北

不寧又曰一國不寧野雞大寒之日雞始乳又五日

鷲鳥厲疾又五日水澤腹堅雞不始乳淫女亂男鷲

鳥不厲國不除兵水澤不腹堅言乃不從宋本無疾

云鷲鳥不厲則上句亦本無疾字宋本是也御覽載

大寒十二月中雞始乳雞不乳即姪婦亂男鷲鳥厲

疾鳥不厲疾即國不除姦水

澤腹堅不腹堅即言無所從

月令解第五十三闕文昭案蔡邕明堂月令論云月

施令祀神受職每月異禮故謂之月令所以順陰陽

奉四時効氣物行王政也成法具備各從時月藏之

明堂所以示承祖考神明明不敢泄瀆之義故以明

堂冠月令以名其篇戴禮夏小正則夏之月令也殷

人無文及周而備文義所說博衍深遠宐周公之所

著也官號職司與周官合周書七十二篇而月令第

五十三秦相呂不韋著書取月令為紀淮南王安

亦取以為第四篇改名曰時則故偏見之徒或云月

令呂不韋作或曰淮南皆非也又案隋書牛宏傳云

今明堂月令者鄭康成云是呂不韋著春秋十二紀

之首章禮家鈔合為記蔡邕王肅云周公所作周書

內有月令第五十三即此也案宏以今禮記中之月

令即是周書內者故云即此與蔡邕說相符合邕

以淮南時則在第四篇今却在第五篇其文與呂氏

微異邕作月令問答所云云者皆在呂氏不在淮南

既蔡邕牛宏有斯二證故今依呂氏十二紀首鈔

出以補斯闕又宏傳云堂方一丈通屋徑九丈八闔

孟春之月日在營室昏參中旦尾中其日甲乙其帝

太皞其神句芒其蟲鱗其音角律中太簇其數八其

抱經堂校定本

味酸其臭羶其祀戶祭先脾東風解凍蟄蟲始振魚  
上冰獺祭魚候鴈北記作鴻鴈來天子居青陽左个乘鸞

輅駕蒼龍載青旂衣青衣服青玉記作倉玉下同食麥與羊

其器疏以達是月也以立春先立春三日太史謁之

天子曰某日立春盛德在木天子乃齊立春之日天

子親率三公九卿諸侯大夫以迎春於東郊還乃賞

公卿諸侯大夫於朝記乃字作反後並同無諸侯二

至尊坐而論道不嫌不命相布德和令行慶施惠下

及兆民慶賜遂行無有不當迺命太史守典奉法司

天日月星辰之行宿離不忒記作貸音同下同無失經紀以

初為常是月也天子乃以元日祈穀于上帝乃擇元

辰天子親載耒耜措之參于保介之御閒參于記倒率三

公九卿諸侯大夫躬耕帝籍田記無田字案呂氏天

子三推三公五推卿諸侯大夫九推記無大夫反執爵于

太寢三公九卿諸侯大夫皆御命曰勞酒是月也天

氣下降地氣上騰天地和同草木繁動記作萌動王布農

事命田舍東郊皆脩封疆審端經術善相丘陵阪險

原隰土地所宜五穀所殖以教道民必躬親之田事

既飭先定準直農乃不惑是月也命樂正入學習舞

乃脩祭典命祀山林川澤犧牲無用牝禁止伐木無



覆巢無殺孩蟲胎夭飛鳥無麇無卵無聚大衆無置  
城郭揜骼霾骸記作埋音義並同是月也不可以稱兵稱兵

必有天殃兵戎不起不可以從我始記無以字無變天之

道無絕地之理無亂人之紀孟春行夏令則風雨不

時草木旱槁國乃有恐記風雨作雨水旱槁作蚤落乃作時行秋令則

民大疫疾風暴雨數至藜莠蓬蒿並興記民上有其字疾風作疾

風數至行冬令則水潦為敗霜雪大摯首種不入霜雪

倒記

仲春之月日在奎昏弧中旦建星中其日甲乙其帝

太皞其神句芒其蟲鱗其音角律中夾鍾其數八其

味酸其臭羶其祀戶祭先脾始雨水桃李華記作桃始華

蒼庚鳴鷹化為鳩天子居青陽太廟乘鸞輅駕蒼龍

載青旂衣青衣服青玉食麥與羊其器疏以達是月

也安萌芽養幼少存諸孤擇元日命民社命有司省

囹圄去桎梏無肆掠止獄訟是月也予鳥至至之日

以太牢祀于高禘記祀作祠天子親往后妃率九嬪御乃

禮天子所御帶以弓韞授以弓矢于高禘之前是月

也日夜分雷乃發聲始電蟄蟲咸動啓戶始出呂氏啓戶

作開戶今凡字為漢唐人避諱改易者俱從禮記為正先雷三日奮鐸以令于

兆民曰雷且發聲奮鐸記作奮木鐸無于字又且作將有不戒其容止

者生子不備必有凶災日夜分則同度量鈞衡石角

斗桶記作正權槩是月也耕者少舍乃脩闔扇寢廟

必備記作畢備必無作大事以妨農功記作以妨是

月也無竭川澤無漉陂池無焚山林天子乃獻羔開

冰先薦寢廟獻記上丁命樂正入舞舍采記作習舞

采與釋菜音義並同高誘注呂覽云舍置也初入天

子乃率三公九卿諸侯大夫親往視之呂氏無中丁

又命樂正入學習樂是月也祀不用犧牲用圭璧更

皮幣仲春行秋令則其國大水寒氣總至寇戎來征

行冬令則陽氣不勝麥乃不熟民多相掠行夏令則

國乃大旱煥氣早來蟲螟為害

季春之月日在胃昏七星中且牽牛中其日甲乙其

帝太皞其神句芒其蟲鱗其音角律中姑洗其數八

其味酸其臭羶其祀戶祭先脾桐始華田鼠化為鴽

虹始見萍始生天子居青陽右个乘鸞輅駕蒼龍載

青旂衣青衣服青玉食麥與羊其器疏以達是月也

天子乃薦鞠衣于先帝命舟牧覆舟五覆五反乃告

舟備具于天子焉天子焉始乘舟薦鮪于寢廟乃為

麥祈實次焉字記無呂氏有高注云焉猶於是月也

生氣方盛陽氣發泄可者畢出萌者盡達不可以內

天子布德行惠命有司發倉窳賜貧窳振

乏絕高注云窳地開府庫出幣帛周天下勉諸侯聘

名士禮賢者是月也命司空日時雨將降下水上騰

循行國邑周視原野脩利隄防導達溝瀆開通道路

無有障塞田獵畢弋置罟羅網餞獸之藥無出九門

是月也命野虞無伐桑柘鳴鳩拂其羽戴任

具挾曲蒙筐高注云挾讀曰撲

降于桑南作戴勝准謂之得曲薄也青徐謂之曲員底日蒙方底日筐文

無觀省婦使勸蠶事記勸上蠶事既登分繭稱絲效

功以共郊廟之服無有敢墮是月也命工師令百工

審五庫之量金鐵皮革筋角齒羽箭幹脂膠丹漆無

或不良百工咸理監工日號無悖於時無或作為淫

巧以蕩上心是月之末擇吉日大合樂天子乃率三

公九卿諸侯大夫親往視之是月也乃合纍牛騰馬

游牝于牧纍記作累犧牲駒犢舉書其數命國儼九

門磔禳以畢春氣呂氏作國人儼行之是令而甘雨

至三旬淮南亦有此季春行冬令則寒氣時發草木

皆肅國有大恐行夏令則民多疾疫時雨不降山陵

不收行秋令則天多沈陰淫雨早降兵革竝起



孟夏之月日在畢昏翼中旦婺女中其日丙丁其帝  
 炎帝其神祝融其蟲羽其音徵律中仲呂其數七其  
 性禮其事視此下呂氏有其性禮其事視二句其味  
 苦其臭焦其祀竈祭先肺螻蟪鳴丘蚓出王瓜生苦  
 菜秀天子居明堂左个乘朱輅駕赤騮載赤旂衣赤  
 衣服赤玉食菽與雞其器高以物記作粗音義同是月也以  
 立夏先立夏三日太史謁之天子曰某日立夏盛德  
 在火天子乃齊立夏之日天子親率三公九卿大夫  
 以迎夏於南郊還乃行賞封侯慶賜無不欣說封侯慶賜  
 乃命樂師習合禮樂命司馬贊傑雋遂

賢良舉長大司馬呂氏春秋作太尉記亦因之世多  
 案戴埴鼠璞云太尉固秦官所命冢宰司徒司空  
 馬與太史樂正樂師澤人虞人四監之類皆周官也  
 不韋不過改周司馬為太尉耳蓋贊傑俊遂賢良與  
 行爵出祿雖非太尉之職而設儀辨位進賢與功制  
 畿內封則大司馬之任也云云今據行爵出祿必當  
 此改太尉為司馬以復周公之舊  
 其位是月也繼長增高無有壞墮無起土功無發大  
 衆無伐大樹是月也天子始絺命野虞出行田原勞  
 農勸民無或失時勞農上記有命司徒循行縣鄙命  
 農勉作無伏于都伏記是月也驅獸無害五穀無大  
 田獵農乃升麥記作登麥登升一也今呂氏本作收  
 誤作大書據此益可見正文天子乃以彘嘗麥先薦  
 是升字下登穀此亦作升穀

寢廟是月也聚蓄百藥靡草死靡呂作糜麥秋至斷薄刑

決小罪出輕繫蠶事既畢后妃獻繭乃收繭稅以桑

為均貴賤少長如一以給郊廟之祭服是月也天子

飲耐用禮樂行之是令而甘雨至三旬孟夏行秋令

則苦雨數來五穀不滋四鄙入保行冬令則草木早

枯後乃大水敗其城郭行春令則蟲蝗為敗暴風來

格秀草不實記作蝗蟲為災

仲夏之月日在東井昏亢中且危中其日丙丁其帝

炎帝其神祝融其蟲羽其音徵律中蕤賓其數七其

味苦其臭焦其祀竈祭先肺小暑至螳螂生鶡始鳴

反舌無聲天子居明堂太廟乘朱輅駕赤駟載赤旂

衣赤衣服赤玉食菽與雞其器高以狷養壯狡記作壯狡

音義同詩狡童毛傳云昭公有壯狡之志是月也命樂師脩鞀鞀鼓均琴

瑟管簫執干戚戈羽調竽笙壎篪飭鍾磬祝敔壎篪記作壎篪

篪命有司為民祈祀山川百原大雩帝用盛樂乃命

百縣雩祭記無祀字祀百辟卿士有益於民者以祈穀實

是月也農乃登黍天子以雛嘗黍呂氏是月也在農乃登黍之下誤今

從戴記羞以含桃先薦寢廟令民無刈藍以染無燒炭

記作燒灰無暴布門閭無閉關市無索挺重囚益其食游

牝別其羣則繫騰駒班馬正高云馬正掌馬之官案記作馬政是月

也日長至陰陽爭死生分君子齊戒處必拚身欲靜  
 無躁止聲色無或進薄滋味無致和退嗜慾定心志  
 欲靜二字記無又退作節志作氣百官靜事無刑以定晏陰之所成  
 鹿角解蟬始鳴半夏生木堇榮是月也無用火南方  
 可以居高明可以遠眺望可以登山陵可以處臺榭  
 仲夏行冬令則雹霰傷穀道路不通暴兵來至行春  
 令則五穀晚熟百騰時起其國乃饑行秋令則草木  
 零落果實早成民殃於疫

季夏之月日在柳昏心中

記作昏火中

旦奎中其日丙丁

其帝炎帝其神祝融其蟲羽其音徵律中林鍾其數

七其味苦其臭焦其祀竈祭先肺涼風始至蟋蟀居

宇鷹乃學習腐草化為螢

涼風記作溫風又居宇作居壁又腐草為螢無

化字蚡字高云蚡馬蛇也讀如蹊徑之蹊幽州謂之秦渠一曰螢火也案淮南無螢字觀注文疑此螢字亦後人所增入說文引明堂天子居明堂右个乘朱月令曰腐艸為蠲蠲即蚡也

輅駕赤駟載赤旂衣朱衣服赤玉食菽與雞其器高

以猶是月也命漁師伐蛟取鼉升龜取鼈

呂氏命作令今從記

下命四監同

乃命虞人入材葦

虞人記作澤人

是月也命四監大

夫合百縣之秩芻以養犧牲

記無夫字

合民無不咸出其

力以供皇天上帝名山大川四方之神以祀宗廟社

稷之靈為民祈福

記祀作祠又為民上有以字

是月也命婦官染

采黼黻文章必以法故無或差忒黑黃蒼赤莫不質  
良勿敢偽詐記作毋以給郊廟祭祀之服以為旗章

以別貴賤等級之度是月也樹木方盛乃命虞人入

山行木無或斬伐或記作有不可以興土功不可以

合諸侯不可以起兵動衆無舉大事以搖蕩於氣記

以搖無發令而干時以妨神農之事干時二字水潦

盛昌命神農將巡功舉大事則有天殃記無命字高

殖嘉穀後世因以是月也土潤溽暑大雨時行燒薶

行水利以殺草如以熱湯可以糞田疇可以美土疆

行之是令是月甘雨三至三旬二日記無此三句高

陰晦朔日也月十日一雨又二十日一季夏行春令

雨一月中得二日耳故曰三旬二日則穀實解落國多風欬民乃遷徙解記行秋令則上

隰水潦禾稼不熟乃多女災行冬令則寒氣不時鷹

隼早鷺四鄙入保寒氣記

中央土其日戊己其帝黃帝其神后土其蟲倮其音

宮律中黃鐘之宮其數五其味甘其臭香其祀中雷

祭先心天子居太廟太室乘大輅駕黃駟載黃旂衣

黃衣服黃玉食稷與牛其氣圜以揜記揜

孟秋之月日在翼昏斗中旦畢中呂氏孟秋之月下

日又此句下有則立秋今皆依其日庚辛其帝少皞

其神蓐收其蟲毛其音商律中夷則其數九其味辛  
 其臭腥其祀門祭先肝涼風至白露降寒蟬鳴鷹乃  
 祭鳥始用行戮始用記倒天子居總章左个乘戎路駕白  
 駱載白旂衣白衣服白玉食麻與犬其器廉以深是  
 月也以立秋先立秋三日太史謁之天子曰某日立  
 秋盛德在金天子乃齊立秋之日天子親率三公九  
 卿諸侯大夫以迎秋於西郊還乃賞軍率武人於朝  
 天子乃命將帥選士厲兵簡練桀雋專任有功以征  
 不義詰誅暴慢以明好惡巡彼遠方巡記作順是月也命  
 有司脩法制繕囹圄具桎梏禁止姦慎罪邪務搏執

命理瞻傷察創視折審斷

高氏於此句

決獄訟必正平

記作

端戮有罪嚴斷刑天地始肅不可以羸是月也農乃

升穀天子嘗新先薦寢廟命百官始收斂完隄防謹

壅塞以備水潦脩宮室埴牆垣補城郭

高云埴讀如符猶培也記

作坏垣牆

是月也無以封諸侯立大官無割土地行重幣

出大使

封諸侯呂氏淮南皆無諸字今從記記作毋以割地行大使出大幣今從呂氏淮南下二

句亦同行之是令而涼風至三旬孟秋行冬令則陰氣

大勝介蟲敗穀戎兵乃來行春令則其國乃旱陽氣

復還五穀不實

復還本或作後還不實記作無實

行夏令則國多火

災寒熱不節民多瘡疾

呂氏脫國字記有



仲秋之月日在角昏牽牛中旦觜舊中觜記作其日

庚辛其帝少皞其神蓐收其蟲毛其音商律中南呂

其數九其味辛其臭腥其祀門祭先肝盲風至呂氏

風生案孟秋已云涼風至何得此月又云涼風生故今從記改候鴈來兮鳥歸羣鳥

養羞天子居總章太廟乘戎路駕白駱載白旂衣白

衣服白玉食麻與犬其器廉以深是月也養衰老授

几杖行糜粥飲食糜記作乃命司服具飭衣裳文繡

有恆制有小大度有短長記作衣服有量必循其故

冠帶有常乃命有司呂無申嚴百刑斬殺必當無或

枉撓枉撓不當反受其殃是月也乃命宰祝巡行犧

牲巡記作視全具案芻豢瞻肥瘠察物色必比類量

小大視長短皆中度五者備當上帝其享天子乃儼

禦佐疾以通秋氣高云禦止也佐疾療也以犬嘗麻

先祭寢廟是月也可以築城郭建都邑穿竇窳脩困

倉窳記乃命有司趣民收斂務蓄菜多積聚乃勸種

麥若或失時行罪無疑若或失時本作無或失時記

方可轉入下句今既與是月也日夜分雷乃始收聲

蟄蟲俯戶記無乃字俯殺氣浸盛陽氣日衰水始涸

日夜分則一度量平權衡正鈞石齊斗甬一記作同

是月也易關市來商旅入貨賄以便民事四方來雜

遠鄉皆至

入記作納古內入多通雜記作集

則財物不匱

記無物字淮南亦有

物字無則字

上無乏用百事乃遂凡舉事無逆天數

凡舉

大事母逆大數

必順其時乃因其類

乃記作慎

行之是合白露降

三旬仲秋行春令則秋雨不降草木生榮國乃有恐

呂作有大恐

行夏令則其國乃旱蟄蟲不藏五穀復生

無呂

乃行冬令則風災數起收雷先行草木早死

季秋之月日在房昏虛中旦柳中其日庚辛其帝少

皞其神蓐收其蟲毛其音商律中無射其數九其味

辛其臭腥其祀門祭先肝候鴈來賓爵入大水為蛤

菊有黃華豺則祭獸戮禽

記候鴈作鴻鴈又則作乃

天子居總章

右个乘戎路駕白駱載白旂衣白衣服白玉食麻與

犬其器廉以深是月也申嚴號令命百官貴賤無不

務入以會天地之藏無有宣出

入記作內二字本通用淮南亦作入

命豕宰農事備收

呂無乃字

舉五種之要

記作五穀淮南同

藏帝

籍之收於神倉祇敬必飭是月也霜始降則百工休

乃命有司曰寒氣總至民力不堪其皆入室上丁命

樂正入學習吹

命樂正三字記有呂及淮南皆無

是月也大饗帝嘗

犧牲告備于天子合諸侯制百縣

合呂作命淮南亦作合

為來

歲受朔日與諸侯所稅於民輕重之法貢職之數以

遠近土地所宜為度

說者以秦十月為正故於季秋即云為來歲受朔日以月合為

秦制今案天子頒朔於諸侯事固當豫為之豈有將  
改歲而始頒朔哉孟冬云乃祈來年季冬云歲且更  
始雖以周為子正巡狩祭饗猶  
自夏焉安得遽以為秦制乎  
以給郊廟之事無有

所私是月也天子乃教於田獵以習五戎搜馬記作

政命僕及七駟咸駕載於旒蔡邕云七當為六周官

故知六駟左傳亦言六駟輿受車以級整設于屏外

無言七者於記作旌同司徒摺扑北嚮以誓之嚮記作

高云輿衆也案記無此字受作授淮南同

天子乃厲服厲飾執弓操矢以射記無

嚮以贊之天子乃厲服厲飾執弓操矢以射記無

二字又操作挾射作命主祠祭禽於四方是月也草

木黃落乃伐薪為炭螫蟲咸俯在穴皆瑾其戶穴記

乃趣獄刑無留罪收祿秩之不當者共養之不宜

者上者字記及是月也天子乃以犬嘗稻先薦寢廟

季秋行夏令則其國大水冬藏殃敗民多勦室室記

行冬令則國多盜賊邊境不寧土地分裂行春令則

暖風來至民氣解墮師旅必興墮記作惰淮南作隋

同記作師與不居

孟冬之月日在尾昏危中旦七星中其口壬癸其帝

顛頊其神彗冥其蟲介其音羽律中應鍾其數六其

味鹹其臭朽其祀行祭先腎水始冰地始凍雉入大

水為蜃虹藏不見天子居彗堂左个乘彗輅駕鐵驪

載彗旂衣服黑衣服彗玉食黍與彘其器宏以彗記作

奄音義同是月也以立冬先立冬三日太史謁之天子曰

某日立冬盛德在水天子乃齊立冬之日天子親率

三公九卿大夫以迎冬於北郊還乃賞死事恤孤寡

是月也命太卜禱祠龜策占兆審卦吉凶記作命太史覺龜策

云云淮南作命太祝禱祀神位占龜策審卦兆以察吉凶於是察阿上亂法者則

罪之無有揜蔽記作是察阿黨則罪無有掩蔽意亦略同疑此為呂氏增入淮南無此文

是月也天子始裘命有司曰天氣上騰地氣下降天

地不通閉塞而成冬呂氏無塞字記有時訓解亦有此字命百官謹蓋

藏命司徒循行積聚無有不斂坳城郭坳記作坏戒門閭

脩鍵閉慎關籥固封璽鍵記作鍵又關作管璽作疆備邊境完要

塞謹關梁塞蹊徑蹊記作溪飭喪紀辨衣裳審棺槨之厚

薄營丘壘之小大高卑薄厚之度貴賤之等級營記作塋

又小大薄厚俱倒是月也工師效功記工師上有命字淮南亦無陳祭器

案度程無或作為淫巧以蕩上心必功致為上物勒

工名以考其誠工有不當必行其罪以窮其情次工字記

作是月也大飲蒸天子乃祈來年于天宗大割祠于

公社及門閭饗先祖五祀勞農夫以休息之大割下本或有

牲字係衍文高注云大割殺牲也則本無牲字可知記亦同饗先祖本或作饗禱祖訛高注云先祠公社

乃及門閭先祖無夫字淮南亦有天子乃命將率講

武肄射御角力肄記作習是月也乃命水虞漁師收水泉

池澤之賦無或敢侵削衆庶兆民以為天子取怨于  
 下其有若此者行罪無赦孟冬行春令則凍閉不密  
 地氣發泄民多流亡發泄記作上泄行夏令則國多暴風方  
 冬不寒蟄蟲復出行秋令則雪霜不時小兵時起土  
 地侵削

仲冬之月日在斗昏東壁中且軫中其日壬癸其帝  
 顛頊其神予冥其蟲介其音羽律中黃鐘其數六其  
 味鹹其臭朽其祀行祭先腎冰益壯地始坼鶡鳴不  
 鳴虎始交天子居予堂太廟乘予輅駕鐵驪載予旂  
 衣黑衣服予玉食黍與彘其器宏以弇飭死事呂氏脫此

三字從記補

命有司曰土事無作無發蓋藏無起大衆以

固而閉發蓋藏起大衆地氣且泄是謂發天地之房  
土事無作下記作慎毋發蓋毋發室屋及起大衆諸以固而閉無下發蓋藏起大衆六字且泄作沮泄諸  
 蟄則死民多疾疫多記作必又隨以喪命之曰暢月是月

也命闔尹申宮令審門閭謹房室必重閉蔡邕云閭當作闔

尹內官宮中之門曰闔闔尹所主省婦事無得淫雖有貴

戚近習無有不察察記作禁乃命大酋秫稻必齊麴蘖必

時湛餽必潔餽記作穢水泉必香陶氣必良火齊必得兼

用六物大酋監之無有差忒天子乃命有司祈祀四

海大川名原淵澤井泉記無乃字呂及淮南皆有是月也農有不

收藏積聚者牛馬畜獸有放佚者取之不詰山林藪澤有能取疏食田獵禽獸者野虞教導之其有相侵奪者罪之不赦相字呂無記及淮南皆有是月也日短至陰陽爭諸生蕩君子齊戒處必弇記作處必掩身身欲寧去聲色禁嗜慾安形性事欲靜以待陰陽之所定芸始生荔挺出蚯蚓結麋角解水泉動日短至則伐林木取竹箭記無林字淮南作伐樹木是月也可以罷官之無事者去器之無用者記無上塗闕庭門閭庭記作廷築囹圄此所以助天地之閉藏也記無所字仲冬行夏令則其國乃旱氛霧冥冥雷乃發聲氛呂作氣訛行秋令則天時雨汁瓜瓠不成

國有大兵行春令則蟲螟爲敗水泉減竭民多疾癘

蟲螟記作蝗蟲又減作咸音義同又疾癘作疥癘

季冬之月日在婺女昏婁中旦氐中其日壬癸其帝

顓頊其神乎冥其蟲介其音羽律中大呂其數六其

味鹹其臭朽其祀行祭先賢鴈北鄉鵲始巢雉雊雞

乳本作乳雉雊者訛案天子居乎堂右个乘乎輅駕

鐵驪載乎旂衣黑衣服乎玉食黍與彘其器宏以弇

命有司大儺旁磔出土牛以送寒氣征鳥厲疾乃畢

行山川之祀及帝之大臣天地之神祇行字地字記無是月

也命漁師始漁天子親往乃嘗魚先薦寢廟冰方盛

水澤腹堅

呂作水澤復無堅字高云復亦盛也復或作複凍重累也案時訓解作腹堅故不從

呂命取冰冰已入

記作冰以入

令告民出五種命司農計

耦耕事脩耒耜具田器

記作命農無司字

命樂師大合吹而

罷乃命四監收秩薪柴以供寢廟及百祀之薪燎

記作郊廟

是月也日窮于次月窮于紀星迴于天數將幾

終歲將更始專於農民無有所使

歲將記作歲且天又專於作專而

子乃與公卿大夫飭國典論時令以待來歲之宜

公字記與淮南皆有

乃命太史次諸侯之列賦之犧牲以供皇

天上帝社稷之享乃命同姓之邦供寢廟之芻豢命

宰歷卿大夫至于庶民土田之數而賦之犧牲以供

山林名川之祀凡在天下九州之民者無不咸獻其

力以供皇天上帝社稷寢廟山林名川之祀行之是

令此謂一終三旬二日季冬行秋令則白露蚤降介

蟲為妖四鄰入保

記作四鄰

行春令則胎夭多傷國多固

疾命之曰逆行夏令則水潦敗國時雪不降冰凍消

釋

諡法解第五十四

維周公旦太公望開嗣王業建功于牧之野終將葬

乃制諡遂敘諡法

舊本作攻于牧野之中終葬乃制諡敘法今依史正義及通鑑前編

改正正義牧野無之字脫耳案王伯厚困學紀聞云周書諡法惟三月既生魄周公旦太師望相嗣王發

既賦憲受臚于牧之野將葬乃制作諡劉彥和雕龍  
哀弔篇其首云賦憲之諡蓋本此今所傳周書與六  
家諡法所載不諡者行之迹也號者功之表也車服  
同蓋今本缺誤

者位之章也注古者有大功則賜之善號以為稱也

舊車服下脫者字今案魏書甄琛傳所引及正義前  
編皆有今補入注脫賜之二字又稱作福今皆從正  
義陳云福義亦通如惟辟作福是以大行受大名細  
之福或疑是副字亦可備一說

行受細名行出於己名生於人注名謂號諡民無能

名曰神注不名壹善舊作一人無名曰神訛今稱善

賦簡曰聖注所稱得人所善得實所賦得簡正義稱

編注賦一作副文昭案舊本作稱善口聞曰聖缺處  
疑是無字所謂禹吾無間然方與聖相稱此注本難

通敬賓厚禮曰聖注聖於禮也注聖正義德象天地

曰帝注同於天地注天地正注靜民則法曰皇注靜安

正義靜作靖注同二字本通論衡獨斷皇  
並作黃案黃帝亦作皇帝二字亦本通

曰王注民往歸之注在正義注賞慶刑威曰君注能行四

者從之成羣曰君注民從之也舊以此注接王字下

十字今据正義補案左氏昭廿八年成鱗論文王  
九德此諡法內皆見之賞慶刑威曰君亦其一也

制及衆曰公注志無私也執應八方曰侯注所執行

八方應之也壹德不解曰簡注壹不委曲案左氏昭

義作壹意注平易不疵曰簡注疵多病也注疵正義作訾

不解曰簡注平易不疵曰簡注疵多病也注疵正義作訾

毀案此注多字衍不信二字亦有訛又案諡有美有  
平有惡此簡字不優於文而列於文之前蓋篇中錯

簡多矣史記正義本作兩排首排盡然後及次排如  
後漢書馬武傳後所列雲臺諸將亦是兩重排列上



一重首鄧禹次吳漢賈復下一重首馬成次王梁陳  
俊蓋古法也後人不知改兩排為一排而以一上  
下為次正義與後漢書皆同此錯然正義中間又有  
為後人所紛亂及脫漏者故今亦不能考之以復其  
舊此簡字在恭欽定襄經緯天地曰文注成其道也  
之前則固灼然可尋也

道德博聞曰文注無不知之舊本作博厚前學勤好  
問曰文注不恥下問學勤正義同慈惠愛民曰文注

惠以成政也注今從正義改愍民惠禮曰文注惠而有

禮舊作以錫民爵位曰文注舉可舉也正義作與同  
不恥下問與同升二語直以剛彊理直曰武注剛無

論語二事作解似反不該括于忠傳改正義撓作屈  
欲彊不撓理忠恕直無曲也理直舊本倒今据北史  
下云懷忠恕正曲直文雖訛而理在直字上亦威彊  
可證白虎通引禮記諡法云強理勁直曰武

叡德曰武注思有德者叡也正義叡作敵注云克定

禍亂曰武注以兵征故能定正義征刑民克服曰武

注法以正民能使服以字從夸志多窮曰武注大志

行兵多所窮極夸舊作大今從正義前編故事供上

曰恭注供奉也尊賢貴義曰恭注尊事賢人寵貴義

士尊賢敬讓曰恭注敬有德讓有功既過能改曰恭  
注言自知也舊訛言執事堅固曰恭注守正不移愛

民長弟曰恭注順長接弟舊作安民今從正義改前  
作按疑二編作愛人悌長注接本一  
字俱誤御注亦釋執禮御賓曰恭注迎待賓也御舊作敬正  
御字也義前編俱作芘親之闕曰恭注脩德以蓋之也尊賢讓

善曰恭注不專己善推於人也淵源流通曰恭注性

無所忌也案正義以文武成康穆昭為次其淵源流

簡於此改康為恭非本文也又書正義引作淵源流

通曰禹案獨斷有堯舜禹湯之謚史正義僅有除殘

去虐曰湯一謚而此無之然案書湯誓釋文引照臨

馬融之說謂禹湯皆不在謚法中故今亦闕之

四方曰明注以明照之譖訴不行曰明注逆知之故

不行威儀悉備曰欽注威則可畏儀則可象馬融引

作表大慮靜民曰定注思樹惠也靜民前編安民大

慮曰定注以慮安民安民法古曰定注不失舊意也

純行不二曰定注行壹不傷正義不二諫爭不威曰

德注不以威拒諫也諫爭舊作謀慮說正義又有綏

士以辟地有德曰襄注取之以義甲冑有勞曰襄注

言亟征伐有伐而還曰釐注知難而退正義前編質

淵受諫曰釐注深故能受正義有小心畏忌曰釐釐

所當博聞多能曰憲注雖多能不至大道憲舊作獻

文多能曰憲在良順二謚之後不與獻案正義博

諡相比近故今定為憲前編亦作博文聰明叡哲曰

獻注有通知之聰也正義又有知質有聖曰溫柔聖

善曰懿注性純淑也正義作賢善獨斷五宗安之曰

孝注五世之宗也慈惠愛親曰孝注言周愛親族也

孝舊作釐與釐諡一類正義作孝在五宗句下秉德

協時二句之上案慈惠愛親於孝義為允於釐義太

闊故定從正義移此魏書甄琛傳云慈惠愛民協時

曰孝北史避唐諱改民為人注親族正義倒協時

通鑑

卷六

三

抱經校定本

肇享曰孝注協合肇始也常如始秉德不回曰孝注

順於德而不違注違舊作逆大慮行節曰考注言成其節考

訛作孝案正義此句在威祈二字之後不與孝諡連文而今本亦作孝此傳寫之誤也公羊隱元年疏引

此作考考成也正義與注合故定從之執心克莊曰齊注能自嚴也資輔

供就曰齊注有所輔而共成也供就正義作就共係誤倒又注作資輔佐

而共成前編注與此合豐年好樂曰康注好豐年勤民事豐舊

正義作溫柔前編作溫良皆訛今依注改安樂撫民曰康注無四方之虞

令民安樂曰康注富而教之正義令安民立政曰成

注政以安之正義之作定布德執義曰穆注穆純也正義

穆穆中情見貌曰穆注性公露也敏以敬順曰頃注

疾於所敬順也正義順作慎注同二字本通用敏訓疾舊作無所不敬順也非案左氏昭

八年正義有祇勤追昭德有勞曰昭注能勞謙也昭

前編作明德正義謙作謹非容儀恭美曰昭注有儀可象行恭可

美舊本誤昭為勝脫此條在後圍宣二諡之上今案正義本在昭德上

正義本在昭德上前編在明德下故移補此處後

勝諡一條則削之左氏釋文及聖聞周達曰昭注聖

正義竝引作威儀恭明曰昭聖聞周達曰昭注聖

聞通洽也聞舊作文訛注洽舊訛治正義保民耆艾

曰胡注六十曰耆七十曰艾彌年壽考曰胡注大其

年也胡訓大也正義注作久也非彊毅果敢曰剛注彊於仁義致

果曰毅今正義本脫此條故兩景追補前過曰剛注

諡相連接可見其本有也勤善以補過也勤舊柔德考衆曰靜注成衆使安也

詭勤柔德考衆曰靜注成衆使安也

逸周書 卷六 抱經堂校定本

考正義作安非靜作靖本通用下同魏書源  
懷傳有柔直考終曰靖是相傳本不同也  
言曰靜注恭己正身少言而中注恭舊作供注同  
寬樂

令終曰靜注性寬樂義以善自終治而無眚曰平注

無失闕之病也注無眚舊作清省非正  
義注作無災罪也 執事有制曰平

注不任意也注有法度檢制故曰不任  
意舊作在位平意也注詭布綱治紀曰平

注施之政事注案左氏昭廿二年正義治作持  
由義而濟曰景注用義

而成也布義行剛曰景注以剛行義也耆意大慮曰

景注耆強也注舊脫此條正義前編皆有前編云耆如  
耆定爾功之耆謂意所期指又案獨斷

作致志注清白守節曰貞注行清白執志固也注獨斷守  
節作自

大慮克就曰貞注能大慮非正而何注舊作非正不  
守則不可

隱無屈曰貞注坦然無私也注屈舊作克前編  
作私今從正義注猛以剛

果曰威注猛則少寬果敢行也注猛舊作疆注云疆甚  
於剛也係因下注而

詭今從注正義改注猛以疆果曰威注疆甚於剛也注亦首舊有疆

毅信正曰威注信正言無邪也注正義作疆義執正注  
邪作私又案正義有

治典不殺曰注祁注云秉常不衰此脫去祁獨斷作辟  
祈一作震左氏莊六年正義引經典不易曰祁

士服遠曰桓注以武正定克敬勤民曰桓注敬以使

之勤民正義作動注辟土兼國曰桓注兼人故啓土也

舊本以此注繫辟土服遠曰桓之注道德純一曰思注

下脫去兩條今考正義及前編補注道大親民而

道大而德一也注馬融引注大省兆民曰思注大親民而

不殺注大省舊作不省注外內思索曰思注言求善也追

悔前過曰思注思而能改也柔質慈民曰惠注知其

性也愛民好與曰惠注與謂施也舊本脫此兩條今

條又見獨斷魏書源懷傳亦引之柔質受諫曰慧注以虛受人舊慧

注作以惠愛惠案惠雖可通慧然與惠諡連文則易

混矣案正義上惠諡兩條在敬肅之上此慧諡在質

良之上本不附近前編始合置一處蓋由誤認慧即

惠也注又不知何人妄竄今悉依正義改正受諫正

愛諫能思辨衆曰元注別之使各有次也行義說民

曰元注民說其義始建國都曰元注非善之長何以

始之左氏昭十年正義始作好主義行德曰元注以義為主行德

政也兵甲亟作曰莊注以數征為嚴叡圍克服曰莊

注通邊圍使能服也勝敵志強曰莊注不撓故勝舊本

脫此條正義有左氏釋文死於原野曰莊注非嚴何

志強作克亂正義作克壯以嚴釐之前編作屢武而

不遂曰莊注武功不成克殺秉政曰夷注秉政不任

賢也正義政作正注安心好靜曰夷注不爽正也左

僖廿八年正義引作安民好執義揚善曰懷注稱人

靖僖十五年正義民作人之善慈仁短折曰懷注短未六十折未三十夙夜警

戒曰敬注敬身思戒思戒正義夙夜恭事曰敬注敬

以莅事也象方益平曰敬注法之以常而加敬也正義

脫此條故兩烈諡相連不隔知是傳善合法典曰敬

寫者誤脫耳注舊諡今從何允中本非敬何以善之善合舊倒今從前編法典史正義

作典法注之舊作也今從正義

通鑑

卷六

述義不克曰丁注不能成義迷而不悌曰丁注不悌

不遜順也述舊作述今從前有功安民曰烈注以武

立功秉德遵業曰烈注遵世業不墮改剛克為伐曰

翼注伐功也思慮深遠曰翼注好遠思任能也正義

小心翼翼與此不同剛德克就曰肅注成其敬使為終舊作其不欲

就訛執心決斷曰肅注言嚴果也愛民好治曰戴注

好民治也典禮不寒曰戴注無過寒正義作愆前編

舊脫正義有死而志成曰靈注立志不吝命也亂而不損

曰靈注不能以治損亂注從極知鬼神曰靈注其智

能聰徹也不勤成名曰靈注任本性不見賢思齊死

見神能曰靈注有鬼不為厲神舊作鬼前編好祭鬼

神曰靈注瀆鬼神不敬遠也神正義短折不成曰殤

注有知而夭殤也未家短折曰殤注未家者未室家

也正義殤作傷不與上條不顯尸國曰隱注以闇主

國也左傳釋文作隱拂不成曰隱注言其隱拂改其

性也春秋傳隱拂同前編作隱括正義注不以隱括

注美過其令年中早夭曰悼注年不稱志前編年中

前編無之肆行勞祀曰悼注放心勞於淫祀言不脩德也案

肆行勞祀曰悼注放心勞於淫祀言不脩德也案

言險圯也不思忘愛曰刺注忘其愛己者也愾悞遂

過曰刺注去諫曰愆反是曰假外內從亂曰荒注官

不治家不理前編從好樂怠政曰荒注淫於聲色怠

於政事顏師古引枉國逢難曰愆注逢兵寇之事也

正義作注使民折傷曰愆注苛政賊害折正義前在國

連憂曰愆注仍多大喪正義前編連作遭禍亂方作

曰愆注國無政動長亂前編脫蚤孤短折曰哀注早

者未知人事恭仁短折曰哀注體恭質仁功未施也

蚤孤鋪位曰幽注鋪位即位而卒也鋪舊作有注鋪

從正義壅遏不通曰幽注弱損不凌也高誘引作壅遏

法作壅遏不達注恐訛動祭亂常曰幽注易神之班克威捷行

曰魏注有威而敏行克威惠禮曰魏注雖威不逆禮

也去禮遠衆曰煬注不率禮不親長注長字好內遠

禮曰煬注朋淫于家不奉禮好內怠政曰煬注好內

多淫外則荒政舊本去禮遠衆條下即接此注脫去

政一條今案此注為好內怠政正義少好內怠

左氏定元年正義正引此條前編亦有之但少好內

遠禮注甄心動懼曰頃注甄積也案前有敏以敬慎曰

一條甄遂脫簡於此威德剛武曰圉注圉禦也能禦亂

患也史表六索聖善周聞曰宣注聞謂所聞善事也

治民克盡曰使注克盡無恩惠也舊本使作空圍案

作使今據補行見中外曰愨注言表裏如一也勝敵壯志

曰勇注不撓折正義勝敵志強曰莊與莊諡五昭功

寧民曰商注明有功者也狀古述今日譽注立言之

稱舊作言直人稱訛心能制義曰度注制事得宜度舊訛庶

與左傳合好和不爭曰安注失在少斷正義作生外內貞

復曰白注正而復終始一也前編外不生其國曰聲

注生於外家殺戮無辜曰厲注賊良善人官人應實

曰知注能官人也前編應凶年無穀曰穰注不務稼

穡漢書諸侯王表有中山穡王昆侈則諡法之有穡

同正義此穡字亦作荒文昭案美諡中有豐年好樂

之災穰之為言虛也注以不務稼穡為言可謂深得

制諡之旨師古所引或誤記耳若云後人屨入則穡

虛也又明見下文人固有好紛亂典籍者於理不應

以二諡相次比而致誤耳名實不爽曰質注不爽

言相應也不悔前過曰戾注知而不改溫良好樂曰

良注言其行可好可樂也正義作言其人舊本怙威

肆行曰醜注肆意行威德正應和曰莫注正其德應

其和此亦成鱗所論九德之一正義勤施無私曰類

注無私惟義所在舊作勤政前編同正義作施勤今

在前不與惡諡雜廁今好變動民曰躁注數移徙也

皆紛亂難以考而復矣慈和徧服曰順注能使人皆服其慈和滿志多窮曰

感注自足者必不足也正義前編感俱作惑非也感



合危身奉上曰忠注險不辭難也思慮果遠曰趕注

自任多近於專舊本果作深前編同云趕息政外交

曰攜注不自明而恃外也正義脫此條舊本攜作推

斷息疏遠繼位曰紹注非其次第偶得之也彰義掩

過曰堅注明義以蓋前過肇敏行成曰直注始疾行

成言不深也內外賓服曰正注言以正服之華言無

實曰夸注恢誕注疑有教誨不倦曰長注以道教之

也愛民在刑曰克注道之以政齊之以刑嗇於賜與

曰愛注言貪恠也逆天虐民曰抗注所尊天而逆天

抗舊訛煬案煬諡在前已見此處正義前好廉自克

曰節注自勝其情欲也勝其舊作節以擇善而從曰

比注比方善而從之好更改舊曰易注變故改常名

與實爽曰繆注言名美而實傷思厚不爽曰愿注不

差所思而得也正義作思慮不爽曰厚前編貞心大

度曰匡注心正而用察少舊作心正而隱哀之方景

武之方也舊脫方景武之方五字今從前施為文也

注施德除為武也注除惡正義作施德為文除惡為

蘇明允所引辟地為襄服遠為桓前編同剛克

為發柔克為懿履正為莊有過為僖發與伐同蘇明

施而不成為宣惠無內德為平注無內德惠不成也

兩為字舊作日又平作獻案獻為美諡非也又此下舊有治而無青為平亂而不損為靈由義而濟為景三句案皆見前係重出正義亦有後二句失志無轉則以其明餘皆象也

**注**以其所為諡象其事行也前編云失志無轉一作失志無傳案正義無失

志以下八字注舊作以其明和會也勤勞也遵循也

爽傷也肇始也又治也康安也怙恃也享祀也胡大

也服敗也疑是伏也秉順也秉舊作康案康安也已見前今從正義但順字亦可疑

就會也寒過也錫與也典常也肆放也穰虛也叡聖

也惠愛也綏安也堅長也耆彊也考成也周至也懷

思也式法也布施也此三字舊脫正義有敏疾也捷克也載事

也彌久也自和會也以下廣訓篇內字義非盡諡也此篇及史記正義皆為後人所殺亂前編

所載其去俗本亦無幾矣正義云以前周書諡法周代君王並取作諡故全寫一篇以傳後學據此則正義所錄實出周書今故取以訂訛補缺云

明堂解第五十五

大維商紂暴虐脯鬼侯以享諸侯天下患之四海兆

民欣戴文武是以周公相武王以伐紂夷定天下既

克紂六年而武王崩成王嗣幼弱未能踐天子之位

周公攝政君天下弭亂六年而天下大治乃會方國

諸侯於宗周大朝諸侯明堂之位天子之位負斧扆

南面立率公卿士侍于左右三公之位中階之前北

面東上諸侯之位阼階之東西面北上諸伯之位西

階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上四塞九采之國世告至者應門之外北面東上宗周明堂之位也明堂明諸侯之尊卑也故周公建焉而朝諸侯於明堂之位制禮作樂頒度量而天下大服萬國各致其方賄七年致政於成王致政本或作致位明堂方百一十二尺高四尺階廣六尺三寸室居中

庫門西皋門北雉門東方曰青陽南方曰明堂西方

曰總章北方曰予堂中央曰太廟左為左介右為右

介御覽五百三十三引周書明堂云云實此之闕文今取以繫於後自戶高八尺廣四尺以上亦見隋書宇文愷傳避諱中作內廣作博陳云徐鉉謂介不見義無以下筆明堂左右介當作介蓋本此

嘗麥解第五十六

維四年孟夏王初祈禱于宗廟乃嘗麥于太祖御覽八百

三十八引曰王初祈禱于岱宗乃嘗麥于廟汲郡是古文謂成王四年正月初朝于廟夏四月初嘗麥

月王命大正正刑書爽明僕告既駕少祝導王亞祝

迎王降階即假于太宗少宗少祕于社各牡羊一牡

豕三惠半農云太宗少宗即太宗伯少宗伯也史導少祕疑即小史梁曜北云太宗顧命有之



王于北階王陟階在東序乃命太史尚大正即居于  
 戶西南向九州口伯咸進在中西向宰乃承王中升  
 自客階作策執策從中宰坐尊中于大正之前太祝  
 以王命作策策告太宗王命口口祕作策許諾乃北  
 向繇書于兩楹之間舊作內楹之門從沈改王若曰宗揜大正  
 昔天之初口作二后乃設建典命赤帝分正二卿命  
 蚩尤于宇少昊路史云命蚩尤宇于小顛以臨四方司口口上天  
 未成之慶蚩尤乃逐帝爭于涿鹿之河九隅無遺或  
當作阿梁處素云据史記五帝記涿鹿山名阪泉地名一名黃帝泉至涿鹿與涿水合蓋所謂涿鹿之河河字似不誤赤帝大懼乃說于黃帝執蚩尤殺之于中冀

以甲兵釋怒用大正順天思序紀于大帝舊校疑用是太常

名之曰絕轡之野乃命少昊清司馬鳥師以正五帝

之官故名曰質天用大成至于今不亂清少昊名也見張衡集路

史引此亦作清舊作請訛成本或作戒其在殷之五子忘伯禹之命假

國無正用胥興作亂遂凶厥國皇天哀禹賜以彭壽

思正夏略殷當作夏汲郡古文帝啓十一年放王季子武觀于西河十五年武觀以西河叛彭

伯壽師師征西河武觀來歸沈約曰武觀即五觀國語曰啓有五觀韋昭曰啓子太康昆弟也今予

小子聞有古遺訓予亦述朕文考之言不易予用皇

威不忘祗天之明典令口我大治用我九宗正州伯

教告于我相在大國有殷之口辟自其作口于古是

威厥邑無類于冀州嘉我小國小國其命余克長國  
王趙云國鳴呼敬之哉如木既顛厥巢其猶有枝葉  
王疑倒作休爾弗敬恤爾執以屏助予一人集天之顯亦爾  
 子孫其能常憂恤乃事勿畏多寵無愛乃器亦無或  
 刑于鰥寡非罪惠乃其常無別于民衆臣咸興受大  
 正書乃降太史策刑書九篇以升授大正乃左還自  
 兩柱之間左沈疑右口箴大正曰欽之哉諸正敬功爾頌  
 審三節無思民因順爾臨獄無頌刑有掇夫循乃  
 德式監不遠以有此人保寧爾國克戒爾服世世是  
 其不殆維公咸若太史乃降大正坐舉書乃中降再

拜稽首王命太史正升拜于上王則退是月士師乃  
 命太宗序于天時祠大暑乃命少宗祠風雨百享士  
 師用受其馘以為之資邑乃命百姓遂享于富無思  
 民疾供百享歸祭閭率里君以為之資野宰乃命家  
 邑縣都祠于太祠乃風雨也宰用受其職馘以為之  
 資采君乃命天御豐穡享祠為施大夫以為資箴太  
 史乃藏之于盟府以為歲典

本典解第五十七

維四月既生魄王在東宮舊此下有召公二字衍告周公曰鳴  
 呼朕聞武考不知乃問不得乃學俾資不肖永無惑

矣今朕不知明德所則政教所行字民之道禮樂所  
生非不念而知故問伯父周公再拜稽首曰臣聞之  
文考能求士□者智也與民利者仁也能收民獄者  
義也能督民過者德也爲民犯難者武也智能親智  
仁能親仁義能親義德能親德武能親武五者昌于  
國曰明明能見物高能致物物備咸至曰帝帝鄉在  
地曰本本生萬物曰世世可則□曰至至德照天百  
姓□驚備有好醜民無不戒顯父登德德降則信信  
則民寧爲畏爲極民無淫慝生民知常利之道則國  
彊序明好醜□必固其務均分以利之則民安□用  
以資之則民樂明德以師之則民讓生之樂之則母  
之禮也政之教之遂以成之則父之禮也父母之禮  
以加于民其慈□□古之聖王樂體其政士有九等  
皆得其宜曰材多人有八政皆得其則曰禮服士樂  
其生而務其宜是故奏鼓以章樂奏舞以觀禮奏歌  
以觀和禮樂旣和其上乃不危王拜曰允哉幼愚敬  
守以爲本典

逸周書卷第六  
官人解第五十八  
王會解第五十九

逸周書卷第七

晉孔晁注

官人解第五十八

王會解第五十九

官人解第五十八

王曰嗚呼大師朕維民務官論用有徵觀誠考言視

聲觀色觀隱揆德可得聞乎

案此篇亦見大戴禮名文王官人通篇皆文王

之言與此不同論大戴作倫字本通用大戴云倫有

七屬屬有九用用有六徵一曰觀誠二曰考志三曰

視中四曰觀色五曰觀隱六曰揆德盧辯注云倫理次也 周公曰亦有六徵嗚呼

乃齊以揆之 大戴云王曰於乎 一曰富貴者觀其有

禮施貧賤者觀其有德守嬖寵者觀其不驕奢隱約

者觀其不懼懼其少者觀其恭敬好學而能悌其壯  
 者觀其廉潔務行而勝私其老者觀其思慎彊其所  
 不足而不踰觀其思大戴作觀其意憲下作慎強其  
所不足而不踰也周書舊本作慎而  
彊其所不定者觀其不踰父子之間觀其孝慈兄弟  
字多訛今從大戴訂正君臣之間觀  
 之閒觀其和友舊脫觀其孝慈兄弟之  
閒八字今從大戴增其忠惠鄉黨之閒觀其信誠大戴作信憚盧  
注云信而敬憚省其居  
 處觀其義方舊作方省其喪哀觀其貞良省其出  
今從大戴入觀其交友省其交友觀其任廉盧云任以  
恩相設之  
 以謀以觀其智大戴云考之以觀其知示之以難以觀  
 其勇煩之以事以觀其治臨之以私以觀其不貪濫

之以樂以觀其不荒大戴臨作淹濫作藍不荒喜之  
作不寧盧注云藍猶濫也  
 以觀其輕怒之以觀其重怒舊口今醉之酒以觀其  
從大戴補恭從之色以觀其常大戴恭作不失又遠之以觀其  
從之色作縱之不二昵之以觀其不狎大戴不復徵其言以  
貳不狎作不倦觀其精大戴作採取其志以觀其情此精當作情又  
大戴此下有考其陰陽以觀其誠覆其微言以觀其  
信兩句曲省其行以觀其備此下大戴此之謂觀誠  
多一成字二曰方與之言以觀其志志殷以淵其氣寬以柔舊  
字不重殷作口大戴作志殷如浚注雖以浚為深字  
竊疑必淵之訛也舊本下句作其器寬以悌今從大改其色儉而不諂其禮先人其言後人見其所不足  
 曰日益者也好臨人以色高人以氣賢人以言防其



所不足發其所能曰日損者也

兩日字從大戴增又大戴發作伐惠云古

字通其貌直而不止其言正而不私

大戴不止作不侮不飾其

美不隱其惡不防其過曰有質者也其貌曲媚其言

工巧飾其見物務其小證以故自說曰無質者也

曲媚作固喜怒以物而色不變

而舊作其從大戴亂以事而志不營深導以利而心不移臨懼以威而

氣不卑曰平心而固守者也喜怒以物而心變易煩

亂以事而志不治

大戴作裕導之以利而心遷移臨懼以

威而氣慄懼曰鄙心而假氣者也

李善注東都賦引慄懼作慄慄設

之以物而數決敬之以卒而度應不文而辯曰有慮

者也

大戴數作速與速同敬當為傲卒倉卒也大戴

作驚之以卒而度料下句作不學而性辯近改

不學作難決以物難說以守一而不可變困而不知

止曰愚依人也

大戴作難投以物難說以言知一如

自慎曰愚慙者也案此亦當補言字以守一營之以

物而不誤犯之以卒而不懼置義而不可遷臨之貨

色而不過曰果敢者也

大戴不誤作不虞盧注云虞

也末句作曰絜移易以言志不能固已諾無決曰弱

廉而果敢者也

移易當從大戴志者也

轉易音以歧反順予之弗為喜非奪之弗

為怒沈靜而寡言多稽而險貌曰質靜者也

大戴險通屏言而弗顧自順而弗讓

上句舊脫而字大戴云辨言而不固今據補又

抱經堂校本

讓舊訛護亦非是而彊之曰妬誣者也舊作始誣訛今大戴作始

据大戴改妬誣蓋本是如誣故盧注云謂如賢誣善必是校者見周書誤本因記一始字於如字旁遂致衍耳今改

正微而能發察而能深寬順而恭儉溫柔而能斷果

敢而能屈曰志治者也大戴作微清而能發度察而能盡曰治志者也少三句

華廢而誣巧言令色皆以無為有者也此之謂考言

大戴無廢字○案詩廢為殘賊王肅云廢大也張湛注列子楊朱篇同此亦當作大解令色下大戴衍足恭一也四字

又言作志三日誠在其中必見諸外以其聲處其實大戴實作氣氣初生物大戴作初氣主物生有聲此下亦作氣

聲有剛柔清濁好惡咸發于聲心氣華誕者其聲流

散心氣順信者其聲順節心氣鄙戾者其聲醒醜醒字

誤大戴作斯盧注云斯當聲誤為斯心氣寬柔者其聲溫和大戴作信溫和

氣中易義氣時舒和氣簡備勇氣壯力大戴和作智力作直聽

其聲處其氣考其所為觀其所由大戴有察其所安一句以其

前觀其後以其隱觀其顯以其小占其大此之謂視

聲大戴觀皆作占中間一句作以其見占其隱又視聲作視中四曰民有五氣喜

怒欲懼憂大戴作五性喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆

隱之陽氣必見五氣誠于中發形于外民情不可隱

也喜色猶然以出怒色薦然以侮欲色嫗然以愉懼

色薄然以下憂悲之色瞿然以靜大戴猶作由盧注云當為油又出作

逸周書 卷七 四 抱經堂校本

生薦作拂愉作愉惠云愉愉通又瞿作瞿誠智必有難盡之色誠仁必有

可尊之色誠勇必有難懼之色誠忠必有可新之色

舊本作誠勇必有可新之色脫八字誠潔必有難汗

之色誠靜必有可信之色質浩然固以安偽蔓然亂

以煩雖欲改之中色弗聽此之謂觀色舊本靜字作方圍今據大

戴補質字偽字下大戴皆有字浩作皓蔓作縵改作故盧注云言雖欲故隱之於中而無柰色見於外

五曰民生則有陰有陽人多隱其情節其偽以攻其

名大戴此句上有以賴於物一句有隱於仁賢者大戴賢作質下同有隱於

智理者有隱於文藝者有隱於廉勇者有隱於忠孝

者此句舊脫有隱於交友者如此不可不察也小施

而好德與得同大戴作好大得小讓而爭大大戴作而好大爭言願以

為質願當與愿同盧注大戴以為聲誤偽愛以為忠偽舊作空圍據大戴補此下大

戴有面寬而貌慈假節以示之二句尊其得以改其名大戴作故其行以攻其名盧注一本作切案

云故為是行如此隱於仁賢者也前總唱功一本作切案大戴無此四

字有推前惡忠府知物焉首成功少其所不足十六字惡一作恃與此文義皆難曉慮誠弗及

佯為不言內誠不足色示有餘此下大戴有莫以動人一句自順

而不讓措辭而不遂此下大戴有莫知其情一句此隱於智理者

也動人以言竭而弗終大戴作涉物而不終問則不對佯為不

窮口貌而有餘大戴作色示有餘假道而自順因之口初窮

則託深大戴作用之為深如此者隱於文藝者也口言以

為廉

大戴言以為氣

矯厲以為勇內恐外誇亟稱其說

大戴

作內恐外倅敬再其說王懷祖謂敬再乃荀禹之說  
荀讀若亟再古稱字文昭案外倅乃外誇之訛或改  
倅為倅非敬亦亟之訛形相近亟欺冀反  
苟己力反此亟不讀為急則苟字非也以詐臨人

如此隱於廉勇者也自事其親而好以告人

大戴又有乞言

勞醉而面於

飾其見物

此下大戴又有故得  
其名名揚於外二句

不誠於

內發名以事親自以名私其身

大戴作伐名以事其  
親戚以故取利分白

其名以私其身案發與伐  
同此作發大戴多作伐字如此隱於忠孝者也比周

以相譽

此句上大戴有陰行  
以取名一句此脫

知賢可徵而左右不同

而交交必重己心說而身弗近身近而實不至懼不

盡見於衆而貌克

己字身近字舊皆作方圍今依大  
戴補又而實不至下有而懼忠不

盡一句又此懼不  
二字亦作懼忠

如此隱於交友者也此之謂觀隱

者字舊脫  
据大戴補

六曰言行不類終始相悖

此下大戴有陰  
陽克易一句

外內不合雖有假節見行曰非成質者也

大戴假作  
隱成作誠

言忠行夷爭靡及私口弗求及情忠而寬貌莊而安

曰有仁者也

大戴云其言甚忠其行甚平其志無私  
施不在多靜而寡類莊而安人曰有仁

也心者事變而能治效窮而能達

此句上大戴有物善  
而能說一句又效作

措身立方而能遂曰有知者也

大戴有知  
作廣知少言以

行恭儉以讓有知而言弗發有施而口弗德

大戴作  
有知而

不伐有施而不  
置置與德同

曰謙良者也微忽之言久而可復幽

大戴作  
行其亡

聞之行獨而弗克

言字行字舊  
脫据大戴增

其行亡如存

大戴作  
行其亡

如其曰順信者也貴富恭儉而能施嚴威有禮而不

驕曰有德者也隱約而不懼安樂而不奢勤勞而不

變喜怒而有度曰有守者也直方而不毀廉潔而不

戾彊立而無私曰有經者也大戴有經虛以待命大戴

作正靜以待命不召不至不問不言言不過行行不

過道曰沈靜者也忠愛以事親驩以盡力而不回敬

以盡力而不口曰忠孝者也大戴作歡欣以敬之盡

故名不生焉初學記引周書亦作歡以敬之盡力而

不固敬以安之案回與固皆面之訛即上文所云面

行忠信而不疑口隱遠而不舍曰交友者也口大戴

志色辭氣其人甚偷進退多巧就人甚數案此處脫

戴云心色辭氣其入人甚偷進退工故其與人甚巧

其就人甚速其叛人甚易曰位志者也飲食以親貨

賄以交接利以合故得望譽征利而依隱於辭不至

少其所不足謀而不已曰偽詐者也言行亟變從容

克易好惡無常行身不篤曰無誠者也大戴克易作

不類又無誠少知而不大決少能而不大成規小物

而不知大倫曰華誕者也大戴少俱作小又規作願

有亟變而規諫而不類道行而不平曰竊名者也故

曰事阻者不夷時口者不回大戴作畸面譽者不忠

舊作果敢者也飾貌者不靜假節者不平多私者不

義揚言者寡信此之謂揆德靜大戴作情古通用表  
 情又案此下太戴尚有數百字周書闕文也今錄於  
 此以備考云王曰太師女推其往言以揆其來行聽  
 其來言以省往行觀其陽以考其陰察其內以揆其  
 外是故隱節者可知偽飾無情者可辨質誠居善者  
 可得忠惠守義者可見也王曰於乎敬哉女何慎乎  
 非心何慎乎非人人有六徵六徵既成以觀九用九  
 用既立一曰取平仁而有慮者二曰取慈惠而有理  
 者三曰取直愨而忠正者四曰取慎察而察廉者五  
 曰取臨事而絜正者六曰取慎察而察廉者七曰取  
 好謀而知務者八曰取接給而廣中者九曰取猛毅  
 而度斷者此之謂九用也平仁而有慮者九曰取猛  
 家而長百姓慈惠而有理者使是長鄉邑而治父子  
 直愨而忠正者使是莅百官而察善否慎直而察聽  
 者使是長民之獄訟出納辭令臨事而絜正者使是  
 守內藏而治出入慎察而絜廉者使是分財臨貨主  
 賞賜好謀而知務者使是治壤地而長百工綏給而  
 廣中者使是治諸侯而待賓客猛毅而度斷者使是  
 治軍事為邊境因方而用之此之謂官能也九用有

徵乃任七屬一曰國則任貴二曰鄉則任貞三曰官  
 則任長四曰學則任師五曰族則任宗六曰家則任  
 主七曰先則任賢正月王親命七屬之人曰於乎慎  
 維深內觀民務本慎在人女平心去私慎用六證論  
 辨九用以交一人子亦不私女廢朕命亂我法罪  
 致不赦三戒然後及論王親受而考之然後論成

王會解第五十九

成周之會墀上張赤帟陰羽注王城既成大會諸侯

及四夷也除地曰墀帟帳也陰鶴也以羽飾帳也天

子南面立纒無繁露朝服八十物摺注繁露冕之

所垂也所尊敬則有焉八十物大小所服摺插也注

笏也王伯厚本唐叔荀叔周公在左太公望在右皆

纒亦無繁露朝服七十物摺笏旁天子而立於堂上

**注**唐荀國名皆周成王弟故曰叔芻謂差在後也近天子故其冕亦無旒也堂下之右唐公虞公南面立焉**注**唐虞二公堯舜後也堂下之左殷公夏公立焉皆南面統有繁露朝服五十物皆搢笏**注**祀宋二公冕有繁露搢笏則唐虞同也為諸侯之有疾病者趙此文有之阼階之南祝淮氏榮氏次之珪瓚次之皆此處疑衍西面彌宗芻之**注**淮榮二祝之氏也彌宗官名次珪瓚南差在後惠云大戴公符有祝雍此淮字與相似文昭案雍為名淮為氏不必一人俗間本脫珪瓚次之四字王本有之王本芻之作之芻當是誤倒為諸侯有疾病者之醫藥所居**注**使儲左右召則至也相者太史魚大行人皆朝服有繁露**注**魚太史名及大行人皆讚相賓客禮儀也堂下之東面郭叔掌為天子棗幣焉統有繁露**注**郭叔號叔文王弟棗錄諸侯之幣也內臺西面正北方應侯曹叔伯舅中舅**注**內臺中臺也應侯成王弟曹叔武王弟皆國名為諸侯二舅成王之舅姜兄弟也內臺西面下俗間本有者字注脫曹叔以下二十一字皆從王本刪增比服次之要服次之荒服次之西方東面正北方伯父中子次之**注**此要服於比服轉遠故殊其名非夷狄之四荒也伯父姬姓之國中子於王子中行者也王云王之支子文昭案舉伯父可以包叔父中子則仲叔季弟之倫也方千里之內為比

逸周書

服方二千里之內為要服方三千里之內為荒服是皆朝於內者注此服名因於殷非周制也俗間本首

又二千脫二字今皆從王本改堂後東北為赤帟焉浴盆在其中注

雖不用而設之敬諸侯也其西天子車立馬乘六青

陰羽鳧旌注鶴鳧羽為旌旄也中臺之外其右泰士

臺右彌士注外謂臺之東西也外臺右泰士右彌士

言尊王泰彌相儀之士也右泰士之右或疑左謝云

則在臺之前下云臺右側旁臺而立者上右字不必

疑是左字王云泰士蓋上士彌士蓋中士下士惠云

泰士理官文昭案彌如受贄者八人東面者四人注

受賓幣士也四人東面則西面四人也陳幣當外臺

天予駝宗馬十二注陳東帛被馬於外臺天予黑駝

宗尊也駝俗本作嶽嶽字無攷今從王本卜本注作

天予黑也駝屬也案王本不如是今不從王予繚璧綦十二注此下三璧皆玉予繚謂以黑組

紐之綦玉名有十二也璧綦俗本作碧參方予繚璧

豹虎皮十二注參方陳幣三所也璧皮兼陳也四方

予繚璧玼十二注玼珪也有鋒銳陳之四所方列之

也外臺之四隅張赤帟為諸侯欲息者皆息焉命之

曰爻間注每角張帟息者隨所近也諸侯稱爻也正

四隅下王本有每隅二字注舊脫帟字今增末句未詳周公旦主東方所之青

馬黑駝謂之母兒注周公主東方則太公主西方東



青馬則西白馬矣馬名未聞王曰麤其守營牆者衣

青操弓執矛載也方各異案此東方也故衣青操

注以載為矛若依淮南子則春矛夏戟有別也西面

者正北方稷慎大塵稷慎肅慎也貢塵似鹿正北

內臺北也穢人前兒前兒若彌猴立行聲似小兒

穢韓穢東夷別種良夷在子口身人首脂其腹

炙之霍則鳴曰在子良夷樂浪之夷也貢奇獸

本作幣亦云疑又揚州禺禺魚名解險冠亦奇魚

霍作藿云豆葉揚州禺禺魚名解險冠亦奇魚

也初捕收輸考工周成王時揚州獻鱖魚容切舊本

險冠作險寇王本及路發人麋麋者若鹿迅走

史皆作險冠亦見下文發人麋麋者若鹿迅走

亦東夷迅疾發北發也兩鹿字從史記索隱舊本

人雖馬俞東北夷雖馬騫如馬一角不角者曰騫

騫爾雅青丘狐九尾青丘海東地名周頭輝羗輝

作騫羗者羊也周頭亦海東夷羗羗即黑齒白鹿白馬

黑齒西遠之夷也貢白鹿白馬白民乘黃乘黃者似

騏背有兩角白民亦東南夷郭璞注山海經李善

東越海盒東越則海際盒文盒盒盒即蛤字李善注

形近歐人蟬蛇蟬蛇順食之美東越歐人也比交

州蛇特多為上珍也王本歐作颯注同注所云比者

多也三於越納於越越也舊本正文句首有姑字

字皆非於越納於越越也因下而衍王云納謂納

貢舊本脫注王本有之謝云於越納當連下文其姑妹且甌共海陽皆地名姑妹珍注姑

妹國後屬越注妹從末亡結反注且甌文蜃注且甌在越

文蜃大蜃也注妹從末亡結反注且甌文蜃注且甌在越

予貝班貽貝也海陽大蟹注海水之陽一蟹盈車自

深桂注自深亦南蠻也注謝云自深注會稽以鞞皆面嚮

其皮可以冠鼓自大塵已下至此向西面也注鞞注鞞即

正北方義渠以茲白茲白者若白馬鋸牙食虎豹注

亦在臺北與大塵相對義渠西戎國茲白一名駮央

林以酋耳酋耳者身若虎豹尾長參其身食虎豹注

央林戎之在西南者注央林一作英林王云書大傳散

說與此畧同於陝林音相近文昭案郭璞注海內

北經引此作夾林酋耳酋耳若虎尾參於身食虎豹

夾字注恐誤北唐以閼閼似險冠注北唐戎之在西北者射

禮以閼象為射器注北唐下有戎字衍郭注渠叟以鼯犬

鼯犬者露犬也能飛食虎豹注渠叟西戎之別名也

案廣韻鼯比教切能飛食虎豹之屬正此是也說文

鼯胡地風犬王本從李善注文選作鼯云一作鼯之

若切案鼯乃小鼠李注樓煩以星施星施者珥旄注樓

煩北狄地施所以為旄羽珥注李善注甘泉賦流星旄

旄者羽旄也北堂書鈔百二十注下盧以紈牛紈牛者

牛之小者也注下盧盧人西北戎也今盧水是注紈字

初學記有之又見李善注或誤作紈王云紈與練同

詩有抹其角抹曲貌穀梁傳解角注球球然角貌

兔司書注卷七注十三注抱經堂校本

區陽以鼈封鼈封者若彘前後有首區區陽亦戎之名舊本鼈封不重今從洪容齋及王本補規規以麟麟者仁獸也規規

規亦戎也麟似鹿牛尾一角馬蹄也舊規規訛規矩又脫一麟字仁

字今皆從王本西申以鳳鳥鳳鳥者戴仁抱義掖信其形

似雞蛇首魚尾戴仁向仁國抱義懷有義掖信歸有

信也舊本掖信下衍歸有德三字注作歸有德之君也亦衍誤今皆從王本似雞一作似鶴案郭注

其狀如雞山海經亦云氏羌以鸞鳥氏羌地羌不同故謂之

氏羌今謂之氏矣鸞大於鳳亦歸於仁義者也氏舊

易與互混故改從今字注首舊作氏地之羌不同巴人以比翼鳥巴人在

南者比翼鳥不比不飛其名曰鸚鵡王本脫方煬以

皇鳥方煬亦戎別名皇鳥配於鳳者也方煬一作方揚蜀

人以文翰文翰者若臯雞鳥有文彩者臯雞似鳧

冀州謂之澤特也王云臯一作皇方人以孔鳥方人亦戎

別名孔與鸞相配者舊配作匹卜人以丹沙卜人西南

之蠻丹沙所出卜即濮也沙今作砂夷用闌木夷東北夷也

木生水中色黑而光其堅若鐵集韻闌茲消切木名康民以桴

桴桴者其實如李食之宐子康亦西戎別名也

食桴桴即有身王本作康人洪本桴作桴記州靡費費其形人身

反踵自笑笑則上脣翕其目食人北方謂之吐嚙

州靡北狄也費費曰梟羊好立行如人被髮前足指

長王云反踵一作枝踵說文吐嘍作土螻

都郭生生欺羽生生若黃狗

人面能言都郭北狄生生獸名

山海經注都郭作鄭郭生生一作狴

狴奇幹善芳善芳者頭若雄雞佩之令人不昧皆東

嚮奇幹亦北狄善芳鳥名不昧不忘也此東向列

次也郭注西山經引昧作昧莫禮切昧目也今從本注作昧

北方臺正東高夷

噍羊噍羊者羊而四角高夷東北夷高句驪獨鹿

邛邛距虛善走也獨鹿西方之戎也邛邛獸似距

虛負屨而走也

此正文似本無距虛二字爾雅邛邛虛注於邛邛則云似距虛於距虛則云野獸則知邛邛下距虛二字乃後人以所習聞妄增入耳且於注中獸似下又增一鼠字則下距虛二字反贖矣故知此不與爾雅及呂氏春秋所說同也

孤竹距孤竹東北夷距虛野獸驢騾之屬不令支彘獾

不令支皆東北夷獾白狐彘獾則黑狐案漢志遼西郡有令

支縣即其地也疑不字及注中皆字竝衍否則不字當為發聲注乃誤耳

不屠何青熊

不屠何亦東北夷也東胡黃羆東胡東北夷山戎

戎菽山戎亦東北夷戎菽巨豆也其西般吾白虎

次西也般吾北狄近西也鄭志引王會白虎黑屠

州黑豹屠州狄之別也禹氏駒駼禹氏

西北戎夷駒駼馬屬王作馬大夏茲白牛茲白牛野

獸也牛形而象齒大夏西北戎茲白牛野獸似白

牛形舊本正文止大夏茲白牛五字下十一字誤入注中惠據洪本增入正文與初學記正同今從

龜同書卷一

之犬戎文馬文馬赤鬣縞身目若黃金名古黃之乘

**注**犬戎西戎之遠者文馬說文作馮古黃作吉皇海內北經注引作吉黃此從舊本

作古黃與初學記所引亦合數楚每牛每牛者牛之小者也**注**數

楚亦北戎也西山經黃山有獸如牛而蒼黑大目其名曰犛郭音敬畢云廣韻音切同美與

此每牛正合匈奴狡犬狡犬者巨身四足果皆北嚮**注**匈

奴馘北戎也梁云四足果蓋足短之稱若果下牛果下馬矣注馘字舊闕今從王本補當謂

也斥鹵權扶玉目**注**權扶南蠻也玉目玉之有光明者

形小也白州比閭比閭者其華若羽伐其木以為車

終行不敗**注**白州東南蠻與白民接也水中可居曰

州州中出此珍木禽人管**注**亦東南蠻管草堅忍忍讀

為路人大竹**注**路人東南蠻貢大竹長沙鼈**注**特大

而美故貢也其西魚復鼓鐘鐘牛**注**次西列也魚復

南蠻國貢鼓及鐘而似牛形者美遠致也王云鐘牛未詳蠻

揚之翟**注**揚州之蠻貢翟鳥倉吾翡翠翡翠者所以

取羽**注**倉吾亦蠻也翠羽其色青而有黃也其餘皆

可知自古之政**注**餘謂眾諸侯貢物也言政化之所

致也南人至眾皆北嚮**注**南人南越至眾王本作致眾者

伊尹朝獻商書**注**不周書錄中以事類來附此十字舊誤作正文而以王注言別有此書也注商書下湯

以王會俱朝貢事故令附合注此十字下失之矣湯

問伊尹曰諸侯來獻或無馬牛之所生而獻遠方之

物事實相反不利注非其所有而當遠求於民故不利也王本馬牛倒注今吾欲因其地勢所有獻之必

易得而不貴其為四方獻令注制其品服之令王本無必

字下不字伊尹受命於是為四方令曰臣請正東符作必似說

婁仇州伊慮漚深九夷十蠻越漚鬻髮文身注九十

者東夷蠻越之別稱鬻髮文身因其事以名也王本無於

是二請令以魚皮之鞞口鱒之醬鮫厥利劍為獻注

鞞刀削鱒魚名厥盾也以鮫皮作之鮫文魚也魚皮舊作

魚支今從洪本正南甌鄧桂國損子產里百濮九菌王本口疑是鳥

注六者南蠻之別名王云里一作重請令以珠璣瑋瑁象齒

文犀翠羽菌鶴短狗為獻注璣似珠而小菌鶴可用

為旌翳短狗狗之善者也短狗王本作矩狗蓋因注云狗之善者故以為當作

矩耳考唐幽州昭仁寺碑有云豈止菌鶴短狗為是西昆侖狗國鬼親枳已關耳貫胸雕題離注漆齒注

九者西戎之別名也關耳貫胸雕題漆齒亦因其事

以名之也後漢書注引狗國作狗骨又引離請令以

丹青白旄紕罽江歷龍角神龜為獻注江歷珠名龍

解角故得也後漢書西南夷傳并駝夷其人能作筆

紕章懷注引此文又引何承天纂文曰正北空同大夏莎車姑他旦略豹胡

紕氏罽也音卑疑反筆即紕也

代翟匈奴樓煩月氏熾犁其龍東胡注十三者北狄

之別名也代翟在西北界戎狄之間國名也王云代一作戎

請令以橐駝白玉野馬騊駼駛良弓為獻湯曰善

案博物志引周書西域獻火浣布昆吾氏獻切玉刀亦當在此篇中今缺

逸周書卷第七

逸周書卷第八

晉孔晁注

祭公解第六十

史記解第六十一

職方解第六十二

祭公解第六十

王若曰祖祭公注祭公周公之後昭穆於穆王在祖

列次予小子虔虔在位注虔敬昊天疾威予多時溥

愆注溥大也言昊天疾威於我故多是過失我聞祖

不豫有加予維敬省不弔天降疾病予畏天威公其

告予懿德注弔至也言己道不至故天下病王畏守

不美懿美也天威舊說之威從趙改注守不美疑說祭公拜手稽首曰

天子注拜手頭至手稽首頭俯地謀父疾維不瘳朕

身尚在茲朕魂在于天注謀父祭公名我魂在於天

言必死也梁云朕魂在于天昭王之所九昭王之所

勛宅天命注言雖魂在天猶明王之所勉君天下之

事也王曰嗚呼公朕皇祖文王烈祖武王度下國作

陳周維皇上帝度其心寘之明德注下國謂諸侯

也天度其心所能寘明德於其身也付俾於四方用

應受天命敷文在下注付與四方受命於天而敷其

文德在下土也沈云俾當作界我亦維有若文祖周公暨列

祖召公茲申予小子追學於文武之蔑注言已追學

文武之微德此由周召分治之化也微德釋蔑字義舊作徵德說

用克龕紹成康之業以將天命用夷居之大商之衆

注將行夷平也言大商本其初也我亦維有若祖祭

公之執和周國保乂王家注執謂執其政也王曰公

稱丕顯之德以予小子揚文武大勳弘成康昭考之

烈注稱謂舉行也昭考昭王穆王之父也王曰公無

困我哉俾百僚乃心率輔弼予一人注言公當使百

官相率和輔弼我不然則困我祭公拜手稽首曰允

乃詔畢桓于黎民般注般樂也言信如王告盡治民



樂政也乃汝汝王也公曰天子謀父疾維不瘳敢告  
 天子皇天改大殷之命維文王受之維武王大剋之  
 咸茂厥功注茂美也文王以受命為美武王以剋殷  
 為美故曰咸也維天真文王之董用威亦尚寬壯厥  
 心康受乂之式用休注真正也董之用威伐崇黎也  
 既剋之而安受治之其治用美也董舊作重今依卜本改亦先  
 王茂綏厥心敬恭承之維武王申大命戡厥敵注言  
 武王申文王受命之意而勝殷也公曰天子自三公  
 上下辟于文武文武之子孫大開方封于下土注辟  
 法也言我上法文武方大開國旁布於下土天之所

錫武王時疆土丕維周之基丕維后稷之受命是永  
 宅之注錫與言天子武王是疆所受是大維周之開  
 基大維后稷所受命是長居此也基丕維三字舊維空圍從趙補  
 我後嗣旁建宗子丕維周之始并注旁建宗子立為  
 諸侯言皆始并天子之故也惠云并即屏古字通郭注山海經曰并即屏語  
 有輕重耳注天子本一作天子非嗚呼天子三公監于夏商之既敗  
 不則無遺後難至于萬億年守序終之注言當以夏  
 商為戒大無後難之道守其序而終也既畢丕乃有  
 利宗丕維文王由之注既終之則有利于宗皆由文  
 武之德也公曰嗚呼天子我不則寅哉寅哉注寅敬

也不則言則也汝無以戾反罪疾喪時二王大功注  
 戾反罪疾謂己所行時是二王文武汝無以夔御固  
 莊后注夔御寵妾也莊正也禮記緇衣引此及下二  
公之訛也固汝無以小謀敗大作注小謀謂不法先  
 王也大作大事也汝無以夔御士疾大夫卿士注言  
 無親小人疾君子緇衣大夫卿士汝無以家相亂王  
 室而莫恤其外注言陪臣執國命恤憂也外謂王室  
 之外也尚皆以時中又萬國注言當盡用是中道治  
 天下也嗚呼三公汝念哉汝無泯泯芬芬厚顏忍醜  
 時維大不弔哉注戒三公使念我與王也泯芬亂也

忍行亂則厚顏忍醜也如是則大不善之也芬芬與呂刑芬

同芬昔在先王我亦維不我以辟險于難不失于正我

亦以免沒我世注先王穆王父祭公所事也辟君也

言我事先王遇大難正而不失故能以善沒世言善

終維不疑亦是不維又險于難疑是嗚呼三公子維

不起朕疾汝其皇敬哉茲皆保之注皇大也言當式

敬我言如此則天下皆安之曰康子之攸保助教誨

之世祀無絕不我周有常刑注康安也子之所宜安

以善道勉教之則子孫有福不然則犯常刑也王拜

手稽首黨言注王拜受祭公之黨言也王拜則三公

拜可知也

黨讜古字通荀子非相篇博而黨正注謂直言也又見張平子及劉寬二碑

史記解第六十一

維正月王在成周味爽召三公左史戎夫

注王是穆

王也戎夫左史名也

左舊說在案竹書紀年穆王二十四年命左史戎夫作記則當作左古今人

表作右史說

曰今夕朕寤遂事驚予

注遂成也行成

事言驚夢宿欲知之也

遂事下御覽有其字

乃取遂事之要戒

俾戎夫主之朔望以聞

注集取要戒之言月朔望日

於王前讀之

主傳作言今從御覽朔望之稱蓋始於此禮記云朔月月半亦指朔望也注月

朔望日舊作月巳日望說

信不行義不立則哲士凌君政

注言君

不行信義信義由智正故哲士凌君之政也禁而生

亂皮氏以亡

注禁義信則亂主皮氏古諸侯也

紀年云帝

不降三十五年

諂諛日近方正日遠則邪人專國政

注

好順人意為諂諛禁而生亂華氏以亡

注華氏亦古

諸侯也好貨財珍怪則邪人進邪人進則賢良日蔽

而遠

注賢良不行貨故蔽遠賞罰無位隨財而行夏

后氏以亡

注桀由好財亡也嚴兵而不口者其臣懾

其臣懾則不敢忠不敢忠則民不親其吏

注不敢忠

乃不仁下效其上故不親刑始於親遠者寒心殷商

以亡

注紂以暴虐亡也樂專於君者權專於臣權專

於臣則刑專於民

注君荒於樂則權臣專斷用刑濫

矣君娛於樂臣爭於權民盡於刑有虞氏以亡注專則致爭而刑殺之盡被刑也有虞商均之後奉孤以專命者謀主必畏其威而疑其前事注謀主謂孤長大也前事謂專命挾德而責數日疏位均而爭平林以亡注挾其見奉之德而責其前專命事此與周公反矣位均勢敵注均舊作於注一作與皆訛大臣有錮職譁誅者危昔者質沙三卿朝而無禮君怒而久拘之譁而弗加注錮職謂事專權也元本注譁無事字注譁卿謀變質沙以亡注有三卿諸侯可知也譁卿卜本外內相閒下撓其民民無所附三苗以亡弱小在疆大之閒存亡將由之

則無天命矣不知命注無天命命在疆大者也知命則存不知命則足以亡矣注疆大舊作疆壯注有夏之方興也扈氏弱而不恭身死國亡注有夏啓也戰於甘滅扈也雙子兩重者亡昔者義渠氏有兩子異母皆重注王不別長庶寵秩同也君疾大臣分黨而爭義渠以亡注各有所事而爭立也紀年云武乙三十年周師伐義渠乃獲其君以歸注爭立舊作爭力訛功大不賞者危昔平州之臣功大而不賞諂臣日貴功臣日怒而生變平州之君以走出注有功不賞而貴諂臣有德不官而任姦佞宐其出走也之臣功臣舊兩臣字脫又貴上行賞字今依李善注文選所引增刪召遠不親者

危昔有林氏召離戎之君而朝之注林氏諸侯至而不禮畱而弗親離戎逃而去之林氏誅之天下叛林

氏注天下見其遇戎不以禮遂叛林氏林氏孤危也

昔者曲集之君伐智而專事彊力而不信其臣忠良

皆伏注伐智自足也伏謂不為之用不信舊作不賤

愉州氏伐之君孤而無使曲集以亡注曲集愉州皆

古諸侯博物志作愉州氏之君孤而無使曲昔者有

巢氏有亂臣而責任之以國假之以權擅國而主斷

注委之政也君已而奪之臣怒而生變有巢以亡注

秉政則專生殺則多恐雖君奪其政懼禍見及故作

亂也怒依注當斧小不勝柯者亡昔有鄒君齊儉滅

爵損祿羣臣卑讓上下不臨注柯所以秉喻君斧所

以用喻臣臣無爵祿君所任不臨言不相承奉也注

所任有脫字後口小弱禁罰不行重氏伐之鄒君以亡注

兩弱不能行令紀年云帝高辛十六年帝使久空重

位者危昔有其工自賢自以無臣久空大官注言無

任已臣者故空官也下官交亂民無所附唐氏伐之

其工以亡注無大臣故小臣亂也君凶於上臣亂於

下民無所依堯遂流之犯難爭權疑者死昔有林氏

上衡氏爭權注爭為犯難不果為疑林氏再戰而勝

上衡氏偽義弗克俱身死國亡注林氏恃勝上衡氏

急義所以俱亡而勝舊作弗勝訛知能均而不親竝重事君

者危昔有南氏有二臣貴寵力鈞勢敵競進爭權下

爭朋黨君弗能禁南氏以分注二臣勢鈞而不親權

重養徒黨所以分國也有南之國水經注以為在南郡競舊訛竟脫能字水經注

作競下云君弗能制南氏用分昔有果氏好以新易故故者疾怨新

故不和注有果亦國名也內爭朋黨陰事外權有果

氏以亡注外權謂外大國爵重祿輕比口不成者亡

昔有畢程氏損祿增爵羣臣貌匱比而戾民畢程氏

以亡注有位無祿取名自成民不堪求比而罪之好

變故易常者亡昔陽氏之君自伐而好變事無故業

官無定位民運於下陽氏以亡注運亂移也業形而

懷者危昔穀平之君懷類無親破國弗剋業形用國

注懷恨類戾也國不勝破以刑為業也形刑通趙云類當作類

外內相援穀平以亡武不止者亡昔阪泉氏用兵無

已誅戰不休并兼無親文無所立智士寒心注無親

謂并兼之也無文德故智士寒心也惠云阪泉氏蓋蚩尤也趙疑是

之後徙居至于獨鹿諸侯畔之阪泉以亡注獨鹿西

戎地名徙都失處故亡也案嘗麥解云蚩尤逐赤帝爭于涿鹿之河赤帝說黃

帝執蚩尤殺之獨鹿即涿鹿也亦名濁鹿恨而無親者亡昔者縣宗之君

佞而無聽注不納忠言執事不從宗職者疑發大事

羣臣解體注皆有違心國無立功縣宗以亡昔者

都賢鬼道廢人事天注求禱神也多都氏見紀年帝舜四十二年來朝

獻寶玉博物志謀臣不用龜策是從神巫用國哲士

在外多都以亡注弃賢任巫所以亡也文武不行者

亡昔者西夏性仁非兵注性仁而無文德非兵而無

武備城郭不脩武士無位惠而好賞屈而無以賞注

無功盡賞無財可用注無財舊倒唐氏伐之城郭不守武

士不用西夏以亡注唐氏堯帝美女破國昔者績陽

疆力四征重丘遺之美女注重丘之君畏其并己惑

之以女績陽之君悅之熒惑不治大臣爭權遠近不

相聽國分爲二注君昏於上權分於下所爲二也宮

室破國昔者有洛氏宮室無常池圍廣大工功日進

以後更前民不得休農失其時注工功進則民困矣

以工取官賢材退矣饑饉無食成商伐之有洛以亡

注湯號曰成故曰成商注成商舊作成湯訛

職方解第六十二

職方氏掌天下之圖辨其邦國都鄙四夷八蠻七閩

九貉五戎六狄之人民注此在周官大司馬下篇穆

王使有司抄出之欲時省焉國曰都邑曰鄙東方曰

抱經堂校定本

夷南方曰蠻西方曰戎北方曰狄閩蠻之別貉狄之別八七九五六見非一之言也注舊多訛脫今案文義補正四夷其大名

也故不與其財用九穀六畜之數周官數下有要字周知其利害乃辯九州之國使同貫利貫事東南曰揚州

其山鎮曰會稽其澤藪曰具區其川三江其浸五湖其利金錫竹箭其民二男五女其畜宜雞狗鳥獸其

穀宜稻竹箭篠也九州土氣生民男女各不同鳥獸山澤所育之屬也周官無雞狗此亦後人妄增也注竹字衍

正南曰荊州其山鎮曰衡山其澤藪曰雲夢其川江漢其浸潁

湛其利丹銀齒革其民一男二女其畜宜鳥獸其穀

宜稻河南曰豫州其山鎮曰華山其澤藪曰圃田其

川熒雒其浸陂澆華山西岳熒即滎也春秋傳戰于熒澤亦作滎陂當

從周官作波讀為播其利林漆絲枲其民二男三女其畜宜六

擾其穀宜五種家所畜曰擾五種謂黍稷菽麥稻

菽本誤作穀今依周官注改正正東曰青州其山鎮曰沂山其澤

藪曰望諸其川淮泗其浸沂沭其利蒲魚其民二男

三女其畜宜雞犬其穀宜稻麥周官犬作狗河東曰兗州

其山鎮曰岱山其澤藪曰大野其川河洸其浸盧維

其利蒲魚其民二男三女其畜宜六擾其穀宜四種

四種黍稷稻麥正西曰雍州其山鎮曰嶽山其澤



藪曰彊蒲其川涇汭其澆渭洛其利玉石其民三男

二女其畜宐牛馬其穀宐黍稷注嶽吳嶽也注彊蒲周

蒲涇汭本皆作涇納今從周官改 東北曰幽州其山鎮曰醫無閭其

澤藪曰豸養其川河沛其浸菑時其利魚鹽其民一

男三女其畜宐四擾其穀宐三種注四擾牛馬羊豕

三種黍稷稻也河內曰冀州其山鎮曰霍山其澤藪

曰揚紆其川漳其浸汾露其利松柏其民五男三女

其畜宐牛羊其穀宐黍稷注所謂河內者注揚紆周官

雅作揚跨露周官作潞梁云呂氏春秋不屈篇士民

罷潞注潞羸也與左氏昭元年傳以露其體訓同是依周官改注似有脫訛者疑當作郡 正北曰并州其

山鎮曰恆山其澤藪曰昭餘祁其川虛池嘔夷其浸

淶易其利布帛其民二男三女其畜宐五擾其穀宐

五種注五擾牛馬羊豕犬五種黍稷菽麥麻周官注

乃辯九服之國方千里曰王圻注圻界也圻與其外

方五百里為侯服注為王者斥侯也服言服王事也

注舊脫上服字又注又其外方五百里為甸服注甸田

王作正今皆補正也治田入穀也注有又字衍 又其外方五百里為男服

注男任也任王事又其外方五百里為采服注舊脫此

周官補采事也為又其外方五百里為衛服注為王

扞衛也又其外方五百里為蠻服注用事差簡慢又

其外方五百里為夷服舊又脫此句亦依周官補又其外方五百

里為鎮服注脫六字案鎮又其外

方五百里為藩服注藩服屏四境也凡國公侯伯子

男案周官云凡邦國千里封公以方五百里則四公

方四百里則六侯方三百里則七伯方二百里則

二十五子方百里以周知天下凡邦國大小相維王

設其牧注周徧維持也牧謂牧御天下之政教制其

職各以其所能注連率牧監各任能也制其責各以

其所有注土地所有乃貢之王將巡狩則戒于四方

曰各脩平乃守考乃職事無敢不敬戒國有大刑注

考成也不敬則犯大刑也職方所口脫注未或是及王

者之所行道率其屬而巡戒命王殷國亦如之注王

十二歲一巡狩職方白所戒之命其不巡狩之年六

服盡朝謂之殷國也巡戒命亦如巡狩也周官作及

先道帥其屬而巡戒命注舊脫之年

二字及戒字又誤複朝字今增刪

逸周書卷第八

逸周書卷第九

晉孔晁注

芮良夫解第六十三 太子晉解第六十四

王佩解第六十五 殷祝解第六十六

周祝解第六十七

芮良夫解第六十三

芮伯若曰予小臣良夫稽道謀告注伯爵若順也順

其事而告之也天子惟民父母致厥道無遠不服無

道左右臣妾乃違注無道無德政違畔也舊本脫天

畔也俗閒本作戾也民歸于德德則民戴否則民讎茲言允効

于前不遠言驗于前世不遠言近商紂不道夏桀之虐肆我有家舉桀紂惡滅亡為戒也嗚呼惟爾天子嗣文武業惟爾執政小子同先王之臣昏行顧道王不若同為昏闇言教王為不順專利作威佐亂進禍民將弗堪專利侵民佐亂進於禍也治亂信乎其行惟王暨爾執政小子攸聞行善則治行惡則亂皆所聞知古人求多聞以監戒不聞是惟弗知言古人患不聞故有所不知也后除民害不惟民害害民乃非后惟其讎害民是與民為怨讎與本一后作類后弗類民不知后惟其怨言民不作與

從上命從其所行類善也不知君則怨深矣民至億兆后一而已寡不敵衆后其危哉言上下無義對共相怨則寡者危也嗚呼口口口口如之口口人養食之則擾服雖家畜不養則畏人治民亦然也注首有脫文或是禽獸舊本不空非今爾執政小子惟以貪諛為事不勲德以備難專利為貪曲從為諛下民胥怨財力單竭手足靡措弗堪戴上不其亂而言民相與怨上上加之罪民不堪命而作亂力字舊脫從趙補以予小臣良夫觀天下有土之君有土謂之諸侯也之字疑衍厥德不遠罔有代德言無遠德罔有天下也時為王之患

其惟國人

注是國人為患也言今諸侯無有若湯武者故患不在諸侯而在

內潰也鳴呼惟爾執政朋友小子其惟洗爾心改爾

行克憂往愆以保爾居注洗心改行憂往過則安爾

之居位爾乃贖禍翫哉遂弗悛余未知王之所定矧

乃口口注贖陽不聞翫心不悛悛改矧況也尚不知

王定況貪諛之臣能得其所也缺處疑是惟禍發於

人之攸忽於人之攸輕口不存焉變之攸伏注言人

所輕忽則禍之所起謂下民也爾執政小子不圖善

偷生苟安爵以賄成注苟且無遠慮賄賂不任德賢

智箱口小人鼓舌逃害要利竝得厥求唯曰哀哉注

賢者靖默以逃害小人佞諂以要利各得其求君子

為之哀者也我聞曰以言取人人飾其言以行取人

人竭其行飾言無庸竭行有成注君子不以言舉人

無功故也欲行有成故也惟爾小子飾言事王寔蕃

有徒王貌受之終弗獲用面相誣蒙及爾顛覆注蕃

多徒衆言非一也貌謂外相悅而無實也君臣之相

誣蒙必相及其顛覆之也注疑爾自謂有餘子

謂爾弗足敬思以德備乃禍難注言其不足於道義

也以用也乃汝也難至而悔悔將安及無曰予為惟

爾之禍注為不言也

太子晉解第六十四

謝云此篇誕而陋與諸篇絕不類孔氏為注之甚矣其無識也

晉平公使叔譽于周見太子晉而與之言

注叔譽者

大夫叔向也周靈王太子名晉也五稱而三窮遂巡

而退其不遂

注五稱說五事遂終也

三窮舊作五窮案潛夫論引作

三窮御覽百四十六同又其下有言字

歸告公曰太子晉行年十五而

臣弗能與言

注告平公稱其賢才也君請歸聲就復

與田若不反及有天下將以為誅

注聲就復與周之

二邑名周衰晉取之也平公將歸之師曠不可曰請

使瞑臣往與之言若能蒙予反而復之

注師曠晉大

夫無目故稱瞑蒙覆也度謀還與否也師曠見太子

稱曰吾聞王子之語高於泰山夜寢不寐晝居不安

不遠長道而求一言

注言高於泰山言無上也不安

至飢渴也

御覽先下有稱字

王子應之曰吾聞太師將來甚

喜而又懼吾年甚少見子而懼盡忘吾其度

注懼而

忘度所以為謙師曠曰吾聞王子古之君子甚成不

驕自晉始如周行不知勞

注有成德不以驕易也王

子應之曰古之君子其行至慎委積施關道路無限

百姓悅之相將而遠遠人來驩視道如咫

注言已不

及古君子咫喻近

委積舊作天下咫作尺皆依惠改

師曠告善又稱

曰古之君子其行可則由舜而下其孰有廣德

注問

舜已下可法則之君子也王子應之曰如舜者天舜  
 居其所以利天下奉翼遠人皆得己仁此之謂天注  
 言其仁合天道如禹者聖勞而不居以利天下好取  
 不好與必度其正是謂之聖注盡力溝洫勞也貪財  
 利篤其功合聖道也謂之當如前如文王者其大道  
 仁其小道惠三分天下而有其二敬人無方服事於  
 商既有其衆而返失其身此之謂仁注以其仁德人  
 惠懷之行無常唯賢所在勞謙恭儉日夜不息返失  
 之也趙云返當作反注如武王者義殺一人而以  
 天下異姓同姓各得其所是之謂儀注一人紂也儀

善其所是三字師曠告善又稱曰宣辨名命異姓惡

方王侯君公何以爲尊何以爲上注問其事儀王子

應之曰人生而重丈夫謂之胄子胄子成人能治上

官謂之士士率衆時作謂之曰伯謂之士下本注胄

上或本伯能移善於衆與百姓同謂之公注作謂農

功同謂好義公能樹名生物與天道俱謂之侯侯能

成羣謂之君注立名生物謂化施於民也成謂成物

羣謂之爲長也舊脫生字又物與君有廣德分任諸

侯而敦信曰予一人注敦厚也善至于四海曰天子

達于四荒曰天王注四海四夷四荒四表四荒至莫

有怨訾乃登為帝

**注**

訾歎恨也合五等之尊卑而論

事義以為之名者也師曠罄然又稱曰溫恭敦敏方

德不改聞物口口下學以起尚登帝臣乃參天子自

古誰

**注**

罄然自嚴整也方道初本也起其物義也問

最賢之人也

自古誰下卜本有能字

王子應之曰穆穆虞舜明

明赫赫立義治律萬物皆作分均天財萬物熙熙非

舜而誰能

**注**

律法也謂致其物也熙熙和盛言舜臣

堯功德如此也師曠東躅其足曰善哉善哉

踏也

**注**

王子曰太師何舉足驟師曠曰天寒足踣是以

數也

**注**

驟亦數也王子戲問故曠戲答

足踣舊作足躅案說文曰

踣天寒足踣也從足句聲陸氏莊子釋文亦引作踣李登聲類曰偏舉一足曰踣今定作踣紀于求于二

反王子曰請入坐遂敷席注瑟師曠歌無射曰國誠

寧矣遠人來觀脩義經矣好樂無荒注交言於堂故

更入燕室坐歌此辭而音合於無射之律乃注瑟於

王子王子歌嶠曰何自南極至于北極絕境越國弗

愁道遠

**注**

嶠曲名也師曠作新曲美王子也王子述

舊曲諫也師曠蹶然起曰瞑臣請歸

**注**

蹶然疾貌王

子賜之乘車四馬曰太師亦善御之

**注**

禮為人子三

賜不及車馬此賜則白王然後行可知也師曠對曰

御吾未之學也王子曰汝不為夫詩詩云馬之剛矣



轡之柔矣馬亦不剛轡亦不柔志氣庶庶取予不疑

以是御之注馬不剛轡不柔言和擾也庶庶亦和擾

也不疑和之心也志氣庶庶舊訛志之塵塵今依左氏襄廿六年正義改謝云因左傳

有國子賦轡之柔矣乃足數師曠對曰瞑臣無見為語以飾之讀者勿為所欺

人辯也唯耳之恃而耳又寡聞而易窮王子汝將為

天下宗乎注辯別也為人所別唯恃耳也宗尊也

天下所尊則有明王者也注則有二字疑衍王子曰太師何

汝戲我乎自太皞以下至于堯舜禹未有一姓而再

有天下者夫大當時而不伐天何可得注言自庖犧

至禹其子孫未有期運當時斯不立矣言周衰未盡

已必不立也且吾聞汝知人年之長短告吾聞舊訛問今從

章本下亦訛今從潛夫論訂正師曠對曰汝聲清汗汝色赤白火色

不壽注清角也言音汗沈木木生火色赤知聲者則

色亦然王子曰然吾後三年將上賓于帝所汝慎無

言殃將及汝注言死必為賓于天帝之所鬼神之口

口則王子之事不欲令人知之也然字將字殃字舊晚今從王符潛夫

論增風俗通殃作禍注鬼神之下或脫事祕二字師曠歸未及三年告死者

至注未及三年并歸之年為三年則王子年十七而

卒也風俗通此下有云孔子聞之曰惜夫殺吾君也潛夫論同

王佩解第六十五

王者所佩在德德在利民民在順上

德也天子事天所以威下使事上合為在因時應事

則易成

在力多

過在數懲

形

知過用兵在知時

安生時謂可伐時也勝大患在合人心

何患之有哉殃毒在信疑孽子在聽內化行在知和

內聽於孽孽而吐於中言宜其生災也可否相濟

**注**內聽於孽孽而吐於中言宜其生災也可否相濟

**注**曰和人偏愛之言文昭案此孽子當謂災害其子施

舍在平心不幸在不聞其過

聖人以聞己過為幸貴速改也福在受諫基在愛民

固在親賢

則固明君之義也禍福在所密利害在所近存亡在

所用

是則禍害至離合在出命

威安在恭己危亡在不知時

離矣威得其宜則尊恭己不安則安時謂天時得其

八 抱經堂校定本

時也見善而怠時至而疑亡正處邪是弗能居此得失之方也不可注察注怠懈墮不能行也疑由豫不果也邪姦術也處姦術是不居大之道也乃是得失之道也注由與猶通卜本作注猶又大上當有正字

殷祝解第六十六

湯將放桀于中野注此事不然矣或者欲解之士民聞湯在野皆委貨扶老攜幼奔國中虛注言桀國中注空無人又不然矣謝云湯之放桀亦如舜之封象蓋湯雖放桀猶躬至中野而安定其人民中野之民咸去桀歸湯國中虛者中野之地虛也故湯復為明之而士民致於桀之詞皆願歸亳桀乃與其屬五百人桀請湯曰國所以為國者以有家屢徙而至南巢也

家所以為家者以有人也今國無家無人矣君有人

請致國君之有也注此國為天下也注為當注湯曰否

昔大帝作道明教士民今君王滅道殘政士民惑矣

吾為王明之注大帝謂禹明禹之事於士民也士民

復致於桀曰以薄之居濟民之賤何必君更注此士

民辭也薄湯所居也言與君更與桀徙避湯桀與其

屬五百人南徙千里止於不齊民往奔湯於中野注

不齊地名正文不齊下疑當有不齊士三字桀復請湯言君之有也

言下亦當有國字湯曰否我為君王明之士民復重請之桀

與其屬五百人徙於魯魯士民復奔湯注魯亦地名

桀又曰國君之有也吾則外人有言彼以吾道是邪  
 我將為之注言桀以此辭勸勉湯者也湯曰此君王  
 之士也君王之民也委之何湯不能止桀注必欲去  
 也湯曰欲從者從君桀與其屬五百人去居南巢注  
南巢地名 舊本正文去字下注居南巢之地名訛今改正湯放桀而復薄三  
 千諸侯大會注大會於薄復薄李善注文選引作歸于亳湯退再拜  
 從諸侯之位湯曰此天子位有道者可以處之注讓  
 諸侯之有道者天下非一家之有也天下舊作天子今從趙改有  
 道者之有也故天下者唯有道者理之唯有道者紀  
 之唯有道者宜久處之注久處久居天子之位湯以

此讓三千諸侯莫敢即位然後湯即天子之位注三  
 千諸侯勸之也與諸侯誓曰陰勝陽即謂之變而天  
 弗施注逆天道故不施雌勝雄即謂之亂而人弗行  
雌勝雄女陵男之異逆人道故不行焉故諸侯之  
 治政在諸侯之大夫治與從注言下必順上所以教  
 治也與從本一作於從

周祝解第六十七

曰維哉其時告汝口口道恐為身災注言所以告汝  
 不聞道為身災也空圍二字俗本作不聞非謹哉民乎朕則生汝  
 朕則刑汝注告以善道是生之是以教之以法也惠云

刑一作形朕則經汝一本云案注似脫朕則亡汝朕

則壽汝朕則名汝朕則阜汝四字經紀汝昌阜汝殺亡汝為汝請

命名汝善惡也故曰文之美而以身剝自謂智也者

故不足注狐貉俱以文受害人自賢則愚惡反見也

角之美殺其牛榮華之言後有茅注言牛以角死虛

言致穢也凡彼濟者必不息觀彼聖人必趣時注以

不怠故濟以趣時故聖潛夫論引云凡石有玉而傷

其山萬民之患在口言注山以有玉故傷人以有言

受趣時之行也勤以徒不知道者福為禍注不徒以

及時人故失其福也時之從也勤以行不知道者以

福亡注行謂與時偕行故曰肥豕必烹甘泉必竭直

木必伐注以其供人用自然理地出物而聖人是時

雞鳴而人為時觀彼萬物且何為求注萬物自然不

為人來聖人則之如因雞鳴以識時也是時卜本作

作是則舊本多有故天有時人以為正地出利而民是

爭注正謂敬授民時也爭謂爭其斂之也人出謀聖

人是經陳五刑民乃敬注經經度之也敬敬上命也

教之以禮民不爭被之以刑民始聽因其能民乃靜

注有禮則讓故不爭聽順靜服謂不為亂也故狐有

牙而不敢以噬獠有蚤而不敢以擻注喻人以小能

不敢望大官亦求自盡而已也

說文引作獮有瓜蚤與瓜同

勢居

小者不能為大注雖有其材勢不便故特欲正中不

貪其害凡勢道者不可以不大注不貪害也中正不

立不大其度至道不行也故木之伐也而木為斧賊

難之起自近者注因木以伐木因近以成賊之起舊本作而

起訛下又二人同術誰昭誰暝二虎同穴誰死誰生衍一者字

注成者能昭猛者能生故虎之猛也而陷於獲人之

智也而陷於詐注虎以食陷穿人以欲陷詐詐罔也

獲舊作獲訛葉之美也解其柯柯之美也離其枝枝之美

也拔其本儼矢將至不可以無盾注此言飾末業覆

本質也盾喻為人當有所備護

解其柯舊脫其字故趙增儼矢即嚴矢

澤有獸而焚其草木大威將至不可為巧焚其草木

則無種大威將至不可以為勇注言亦貨以危身禍

至不可救也注言亦疑倒故天之生也固有度國家之患

離之以故注以言患因事而起故事也離懼也地之生

也固有植國家之患離之以謀注植立也有生則立

也故時之還也無私貌日之出也無私照注還謂至

也貌謂無實時至竝應日出普照也時之行也順至

無逆為天下者用大略注言當以大略順時也至字疑衍

火之燁也固定上為天下者用牧注燁然也火曰炎

上牧謂法也

定疑走之說

水之流也固走下不善故有桴

**注**桴所擊鼓也言惡政由於發者也

陳云桴當訓棧注非

之起也惡別之禍之起也惡別之

**注**惡於何也言其

微也故平國若之何須國覆國事國孤國屠皆若之

**注**何

覆滅也事謂事無役也孤謂無人屠謂為人分

裂也

注無人舊脫人字卜本有屠謂舊倒

故日之中也仄月之望也食

威之失也陰食陽善為國者使之有行**注**仄跌也食

謂毀明而生魄也以日蔽於陰喻君行失道是彼萬

物必有常國君而無道以微亡**注**微以積小以致滅

亡者也故天為蓋地為軫善用道者終無盡地為軫

天為蓋善用道者終無害

**注**言因道動靜法天地

因言

卜本作善用

天地之間有滄熱善用道者終不竭

**注**滄寒

竭盡

惠云說文滄从久倉聲寒也列子日初出滄滄涼涼

陳彼五行必有勝天

之所覆盡可稱**注**言五行相勝以生成萬物盡可稱

名之也故萬物之所生也性於從萬物之所反也性

於同

**注**從謂立也始異終同故曰反也

反舊作及今依注改注舊

脫同字案文義補

故惡姑幽惡姑明惡姑陰陽惡姑短長惡

姑剛柔**注**姑者且也言幽明之相代陰陽之變易短

長之相形剛柔之相生始終之道也故海之大也而

魚何為可得山之深也虎豹豺豕何為可服**注**言皆

以貪餌自中鉤檻也人智之窳也奚為可測跂動噦  
息而奚為可牧**注**誠於事故可測牽於事故可牧玉  
石之堅也奚可刻**注**言服飾之窮物也陰陽之號也  
孰使之牝牡之合也孰交之君子不察福不來**注**言  
陰陽之稱號牝牡之交合皆自然也君子察自然之  
理則福來也故忌而不得是生事故欲而不得是生  
詐**注**生事謂變也生詐謂詐為求之欲伐而不得生  
斧柯欲鳥而不得生網羅欲彼天下是生為**注**所以  
生成所欲也謂云為之事也維彼幽心是生包維彼  
大心是生雄維彼忌心是生勝**注**包謂包藏陰謀雄

謂雄桀於人也勝謂勝所忌皆惡忌事也

注未一忌  
字疑衍

故天為高地為下察汝躬奚為喜怒天為古地為久  
察彼萬物名於始**注**言法天地則喜怒無錯推古久  
則萬始可知也左名左右名右視彼萬物數為紀紀  
之行也利而無方行而無止以觀人情**注**名以左右  
則物以數為紀紀則生利利以利情也利有等維彼  
大道成而弗改用彼大道知其極加諸事則萬物服  
**注**等差也大道天道也極中也事業也用其則必有  
羣加諸物則為之君**注**羣類舉其脩則有理加諸物  
則為天子**注**脩長也謂綱例也



逸周書卷第九

逸周書卷第十

武紀解第六十八

銓法解第六十九

器服解第七十

武紀解第六十八

幣帛之閒有巧言令色事不成車甲之閒有巧言令色事不捷克口事而有武色必失其德臨權而疑必離其災口口不捷智不可口口於不足并於不幾則始而施幾而弗免無功國有三守卑辭重幣以服之弱國之守也脩備以待戰敵國之守也循山川之險而固之僻國之守也伐服不祥伐戰危伐險難故善

伐者不伐三守伐國有六時五動四順閒其疏薄其  
疑推其危扶其弱乘其衰暴其約此謂六時扶之而  
不讓振之而不動敷之而不服暴之而不革威之而  
不恐未可伐也此謂五動立之害毀之利克之易并  
之能以時伐之此謂四順立之不害毀之不利唯克  
之易并之不能可伐也立之害毀之未利克之難并  
之不能可動也靜以待衆力不與爭權弗果據德不  
肆國若是而可毀也地荒而不振德衰而失與無苦  
而危矣求之以其道口口無不得爲之以其事而時  
無不成有利備無患事時至而不迎大祿乃遷延之

不道行事乃困不作小口動大殃謀有不足者三仁  
廢則文謀不足勇廢則武謀不足備廢則事謀不足  
國有本有幹有權有倫質有樞體土地本也人民幹  
也敵國侔交權也政教順成倫質也君臣和口樞體  
也土地未削人民未散國權未傾倫質未移雖有昏  
亂之君國未亡也國有幾失居之不可阻體之小也  
不果鄰家難復飾也封疆侵凌難復振也服國從失  
難復扶也大國之無養小國之畏事不可以本權失  
口家之交不可以枉繩失鄰家之交不據直以約不  
虧體以陰不可虞而奪也不可策而服也不可親而

侵也不可摩而測也不可求而循也施度於體不慮  
費事利於國不計勞失德喪服於鄰家則不顧難矣  
交體侵凌則不顧權矣封疆不時得其所無為養民  
矣合同不得其位無畏患矣百姓屈急無藏畜矣擠  
社稷失宗廟離墳墓困鬼神殘宗族無為愛死矣卑  
辭而不聽口財而無枝計戰而口足近告而無顧告  
過而不悔請服而不得然後絕好于閉門循險近說  
外援以天命無為是定亡矣援舊作授從趙改蓋所  
謂我生不有命在天  
凡有事君民守社稷宗廟而先衰亡者皆失禮也大  
事不法弗可作法而不時弗可行時而失禮弗可長

得禮而無備弗可成舉物不備而欲口大功於天下  
者未之有也勢不求周流舉而不幾其成亡薄其事  
而求厚其功亡內無文道外無武迹往不復來者有  
悔而求合者亡不難不費而致大功古今未有古今  
舊作  
故令訛  
從趙改據名而不辱應行而不困唯禮得之而無逆  
失之而無咎唯敬成事而不難序功而不費唯時勞  
而有成費而不亡唯當施而不拂成而有權久之而  
能口唯義不知所取之量不知所施之度不知動靜  
之時不知吉凶之事不知困達之謀惠云謀宋本疑  
作謀古通用  
此五者未可以動大事恃名不久恃功不立虛願不



至妄為不祥太上敬而服其次欲而得其次奪而得其次爭而克其下動而上資其力凡建國君民內事文而和外事武而義其形慎而殺其政直而公本之以禮動之以時正之以度師之以法成之以仁此之道也

銓法解第六十九

有三不遠有三不近有三不畜敬謀祇德親同三不遠也聽讒自亂聽諛自欺近慙自惡三不近也有如忠言竭親以為信有如同好以謀易寇有如同惡合計掬慮慮泄事敗是謂好害三不畜也

掬當與播同

器服解第七十

明器因外有三疲二用器服數犢四楛禁豐一簾天韋獨食器甗迤膏侯屑侯樂鈇璆參冠一竿皆素獨二丸食於菜膾五昔纁裏桃枝素獨蒲簟席皆素斧獨巾彡纁綏縞冠素紕彡冠組武卷組纓象□□瑱一作紕一作獨簟籥捍次車羔冒□純載枉綫喪勤焚纓一給器因名有三幾彡茵纁裏桃枝獨蒲席皆素布獨巾彡象彡純

周書序

昔在文王商紂竝立困于虐政將弘道以弼無道作

度訓殷人作教民不知極將明道極以移其俗作命

訓紂作淫亂民散無性習常舊作冒常詛案此六字中疑尚脫二字文

王惠和化服之作常訓惠和舊作意和詛案左氏傳云紂作淫虐文王惠和正與此文同

今改正 上失其道民散無紀西伯脩仁明恥示教作

文酌上失其道民失其業□□凶年作糴匡文王立

西距昆夷北備獫狁謀武以昭威懷作武稱武以禁

暴文以綏德大聖允兼作允文武有七德□王作大

武大明武小明武三篇所脫疑不止一字穆王遭大

荒謀救患分災作大匡穆王當作文王豈穆考亦可稱穆王與此下有脫簡詩正義云周書稱文王在程

作程寤程典當在此 □□□□□□□□□□□□□□□□

文王唯庶邦之多難論典以匡謬作劉法文王鄉士

詔發教禁戒作文開維美公命于文王脩身觀天以

謀商難作保開作舊詛用文王訓乎武王以繁害之戒作

八繁文王在鄴命周公謀商難作鄴保文啓謀乎後

嗣以脩身敬戒作大開小開二篇文王有疾告武王

以民之多變作文儆文王告武王以序德之行作文

傳文王既沒武王嗣位告周公禁五戎作柔武戎舊詛戒

從趙改武王忌商周公勤天下作大小開武二篇作舊詛於

武王評周公維道以為寶作寶典商謀啓平周周人

將興師以承之作鄩謀武王將起師伐商寤有商倣  
 作寤倣周將伐商順天革命申諭武義以訓乎民作  
 武順武穆二篇武王將行大事乎商郊乃明德口衆  
 作和寤武寤二篇武王率六州之兵車三百五十乘  
 以滅殷作尅殷武王既尅商既舊建三監以救其民  
 爲之訓範此有脫簡口口口口口口口口作大聚此有脫簡  
 口口口口口口口口武王既釋箕子囚俾民  
 辟寧之以王作箕子武王秉天下論德施口而口位  
 以官作考德篇內作耆德武王命商王之諸侯綏定厥邦  
 申義告之作商誓武王平商維定保天室規擬伊洛

作度邑武王有疾此有脫簡口口口口口口口口口口命  
 周公輔小子告以正要作五權武王既沒成王元年  
 周公忌商之孽訓敬命作成開周公既誅三監乃述  
 武王之志建都伊洛作洛周公會羣臣于闕門以  
 輔主之格言作皇門周公陳武王之言以贊已言戒  
 乎成王作大戒周公正三統之義作周月辯二十四  
 氣之應以明天時作時訓周公制十二月賦政之法  
 作月令周公肇制文王之謚義以垂于後作謚法前編  
肇作啓訛周公將致政成王朝諸侯於明堂作明堂成王  
 既卽政因嘗麥以語羣臣而求助作嘗麥周公爲太

師告成王以五則作本典五則疑當成王訪周公以

民事周公陳六徵以觀察之作官人舊脫徵字於上

此周室既寧八方會同各以其職來獻欲垂法厥後

作王會王伯厚本無其周公云歿王制將衰穆王因

祭祖不豫詢某守位作祭公某當與穆王思保位惟

難恐貽世羞欲自警悟作史記王化雖弛天命方永

四夷八蠻攸尊王政作職方芮伯稽古作訓納王于

善暨執政小臣咸省厥躬作芮良夫晉侯尚力侵我

王略叔向聞儲幼而果賢口復王位作太王晉王者

德以飾躬用為所佩作王佩王者本或作玉者訛舊

夏多罪湯將放之徵前事以戒後王也作殷祝趙云

衍民非后罔乂后非民罔與為邦慎政在徵作周祝

武以靖亂非直不尅作武紀積習生常不可不慎作

銓法車服制度明不苟踰作器服明本一作民周道於是

乎大備舊無是字趙

案文義補

逸周書卷第十

逸周書校正補遺

卷一

常訓解 上賢而不窮注窮謂不肖之人○案章本作肖各本俱作省

卷二

大武解 戰有六厲五衛六庠五虞○後獨闕六庠之目案鄠保篇有五祥六衛七厲此庠字與祥通

大明武解 俄傳器櫓○案俄傳似當作蛾傳音蟻附墨子書有備蛾傳篇

大匡解 以罰助均無使之窮○罰民有過者其穀



幣仍以予民也無使之窮所謂其罰人也不傷財  
程典解 乃作程典以命三忠○惠半農云三忠即  
三公文昭疑本或作三惠國策臣作惠古字也

卷三

文微解 倍本者稿○倍與背同魏甄后塘上行云  
倍恩者苦枯意亦本此

大開武解 動不時民不保○北堂書鈔三十引作  
民乃不保案下文句中皆有乃字此處亦當從書鈔

補

鄧謀解 由禱不德注曲為非義神不德之○正文

由字疑本是曲字故注云然注為字疑當作謂

卷四

大聚解 立勤人以職孤注職同○同疑司字之誤  
職訓主司亦主也

卷五

度邑解 叔旦泣涕于常○古常與裳通或云于常  
異于常也又鍾伯敬本作十常豈亦與倍常之義同  
與

五權解 疑德無舉士○宋本元本此句無字作方  
圍後來本乃有無字

作雒解 故曰受列土於周室○初學記已作故曰  
列土於周室御覽因之耳  
皇門解 其善臣以至于有分私子○此句上疑本  
有自字誤在上句注中前卷中卽有似此者  
維時及胥學于非夷注時有○案時當訓是觀注下  
文知有字爲誤  
大戒解 其位不尊其謀不陽○蓋言賢者不在尊  
位雖有善謀亦不能顯示於眾人而使人服從也注  
似不得其意

卷六

諡法解○案五經文字諡諡常利反上說文下字林  
字林以諡爲笑聲音呼益反今用上字据此則行之  
迹正當作諡字今說文不從益而從兮從皿以從益  
者爲笑兒今人多從之此亦不能違俗也

卷八

史記解 注秉政則專生殺則多恐雖君奪其政懼  
禍見及故作亂也○案專生殺三字當重下當云則  
多怨讎各本作恐雖係字誤當改正

卷九

王子晉解 自晉始如周○始字疑衍

委積施關○元本章本俱作委積俗本作天下非返失其身○似指囚于羑里

是之謂儀○上云如武王者義則儀當從舊本作義而注乃云儀善故今從注作儀豈以古義與儀本可通用故耶

士率眾時作謂之曰伯○北堂書鈔四十六率眾作齊眾

非舜而誰能○能字疑衍誰字與上財熙韻協

注王子戲問故曠戲荅○章本曠上有師字

王佩解 注所與密所親近所任用皆忠良則福利

生○案所親近所字卜本作謂別本作皆竝誤今

正文改正又任用俗本作利用亦非

周祝解 榮華之言後有茅○惠半農云茅讀作矛

文昭案注云致穢正釋茅字惠以矛與牛韻故讀從之非改字也

觀彼萬物且何為求注萬物自然不為人來○案依注則正文求字乃來之誤來與時為韻上文是時亦不當作是則又且字亦似誤衍

獬有蚤而不敢以擻○案蚤當作又說文於獬字下雖引作爪但爪為覆手又為手足甲似作又為是

故澤有獸而焚其草木○案下文焚其草木似承此句但此與下句巧字為韻則木字衍也兩喻意各別正不妨多一字少一字

注言因道動靜法天地○元本章本何本因皆作用

卷十

武紀解 幾而弗免○章本免作克

應行而不困○章本應作隱

周書序 武王評周公○評疑訊之誤

附錄

昭德晁公武讀書志

以此書入史部雜史類

汲冢周書十卷晉太康中汲郡與穆天子傳同得晉孔晃注蓋孔子刪採之餘凡七十篇古者天子諸侯皆有史官惟書法信實者行於世秦漢罷黜封建獨天子之史存然史官或怯而阿世貪而曲筆虛美隱惡不足考信則儒學處士必私有記述以伸其志將來賴之以證史官之失其弘益大矣以司馬遷之博聞猶採數家之言以成其書況其下者乎亦有聞見單淺記錄失實曾臆偏私褒貶弗公以誤後世者在

觀者慎擇之而已矣

案周書不當繫以汲冢楊升菴已有辨

陳振孫直齋書錄解題

入經部書類

汲冢周書十卷晉五經博士孔鼂注太康中汲郡發魏安釐王冢所得竹簡書此其一也凡七十篇序一篇在其末今京口刊本以序散在諸篇蓋以做孔安國尚書相傳以為孔子刪書所餘者未必然也文體與古書不類似戰國後人依做為之者

李吳巖逸周書考

晉孔晁注周書十卷案隋唐經籍志藝文志皆稱此書得於晉太康中汲郡魏安釐王冢孔晁注解或稱

十卷或八卷大抵不殊若此則晉以前初未有此也然劉向及班固所錄竝著周書七十一篇且謂孔子刪削之餘而司馬遷記武王克殷事蓋與此合豈西漢世已得入中祕其後稍隱學者不道及盜發冢乃幸復出邪篇目比漢但闕一耳必班劉司馬所見者也繫之汲冢失其本矣書多駁辭宜孔子所不取抑戰國處士私相綴緝託周為名孔子亦未必見章句或脫爛難讀更須考求別加是正云吳巖李燾

丁黼逸周書跋

夫子定書為百篇矣孟子於武成取其二三策謂血

流漂杵等語近於誇也今所謂汲冢周書者類多誇  
 詡之辭且雜以詭譎之說此豈文武周公之事而孔  
 孟之所取哉然其間畏天敬民尊賢尚德古先聖王  
 之格言遺行尚多有之至於時訓明堂記禮者之所  
 采錄克殷度邑司馬遷之所援據是蓋有不可盡廢  
 者晉狼曠曰周志有之勇則害上不登於明堂其語  
 今見之篇中此吾夫子未定之書也漢蕭何云周書  
 曰天子不取返受其咎此則夫子既定之後而書無  
 此語意者其在逸篇乎其後班固志藝文書凡九家  
 有周書七十一篇劉向云周時誥誓號令蓋孔子所

論百篇之餘也以兩漢諸人之所纂記推之則非始  
 出於汲冢也明矣惜乎後世不復貴重文字日就舛  
 訛予始得本於李巖家脫誤為甚繼得陳正卿本  
 用相參校脩補頗多其間數篇尚有不可句讀脫文  
 衍字亦有不容強解者姑且刻之俟求善本更加增  
 削庶使流傳以為近古之書云嘉定十五年夏四月  
 十一日東徐丁黼謹識

